


JILA YA KAPOLOFWETO

WAMUCHANO

 Ngwasakwilila, Ndumbu walunga Borders. Echa tutwalileho kwimana shimbu etu natulomba. Ngwalikomokela hiya akwechi kutonda ufukuuno, nahase kuzundula mavoko enu na kuhanjika, “Mwata, yami”? Jino echa tunongamenu mitwe yetu.

² Ove Tata wa Mwilu, shimbu etu tuli nakwivwa ou mwaso, “Mwata, Ngwafwelela,” etu tunahase kushinganyeka hali—cha lwola luzu, mukaye kosena, Ngwevwile nge mu malimi amavulu, “Mwata, Ngwafwelela.” *Fwelela Kaha*. Kaha, Tata, etu twalombo nge nachiya nakupwa kuhambakana mwaso kuli etu ufukuuno na kwiza nakupwa muchano. Echa etu tupwenga na lufwelelo lwalunene muli Ove ufukuuno.

³ Kaha jino etu twalombelako eli liuka lyalindende, na kafunga, ndumbwetu walunga Fuller, ngamba Yove, ndumbu walunga etu tuli nalufwelelo muli ikiye. Kaha etu twalombelela chisaka chenyi, vakakuzata jenyi hano, vakakuzata muliuka, vakufwelela muliuka, kaha vosena vaze vejile nakwingila muvukolo vya kuhichila. Etu twalombo, Mwata, nachiya lwola lwosena nakupwa zuvo ya kumunyika hali Yesu Kulishitu.

⁴ Kisula vandumbwetu vosena vakakuzata vaze vali hano ufukuuno, vaze vejile nakwingila na kulovoka na etu, mujila yosena. Etu twalombo, Tata, nge Ove muya nakukisula vakiko mwakulisala.

⁵ Kaha etu twalombo, ufukuuno, ha kukunguluka Chove Kumeso Ove hali etu. Etu twatondo, Mwata. Etu twatondo Ove. Etu tuli vene nakutonda mwomwo etu tuli hano muwande wa jita, Mwata, kuze kuli kusakula chatela kupwa. Kaha etu twalombo, Tata, nge Ove muya lwolalwosena kutuzamisa na Kupwa Chove. Echi cheji kulinga chikuma kuli etu, kutachikiza nge Ove uli na etu. Kusolola kaha Ove lyavene, Mwata, kahajino echi kutuzamisa etu kutambuka. Hindula vakakuviza na vali nakuyanda. Lwila vana jimbala. Zamikisa ava vazayesa. Kupwa naupahu muli Ovelyavene. Etu twalombo echi mu Lijina lya Yesu. Amena.

Munahase kutwama.

⁶ Ngwafwelela apwile Ndavichi ahanjikile ngwenyi, “Ngwapwile wakuwahilila omwo vakiko vahanjikile kuli yami, ‘Echa tuyenga kuzuvo ya Mwata.’”

7 Billy ambile ngwenyi, kunyima chindende, ambile ngwenyi, “Ove kaweshi nge uli nakupwa wakuzeyako, tata?”

8 Ngwambile ngwami, “Eyo. Ngunapunga wakuzeza chiyoyelo chami chosena.” Echi chili ngocho Ngwapwilenga nacho.

9 Ngwaputukanga kushinganyeka, “Chamwaza, Nguli nakushinakajiwa chikuma. Ngwatela kwecha chindende.” Kahajino muthuumwe ejile, pamo eyite mokomoko nayite myaka yakusemuka, kwocha lifuchi, hakamwihi na chisemunuino chami, munatachikiza. Ngwashinganyekele, “Yami! Nguli nasonyi hali yami lyavene.”

10 Kuze ku mbalaka kwimbo, kuze kuli lizavu lyalindende lya Kidd, kwiza kuze kufuma ku Ohio. Jino, vakiko vosena vali muze, chamwaza muze, eyite faifi mokomoko eyite eyiti. Kaha vakiko vanapu vakukola palanga vakiko kaveshi kuhasa kwingila mumauka chikumako, mwomwo vakiko... Vakiko kaveshi na lizuko lyakutamo. Oloze munatachikiza chuma vakiko veji kulinganga? Ha tepu yosena... Ou pwevo wamundende amulwilile mali na kuneha kukopa cha tepu. Kaha shikaho ikiye ambachile tepu. Ngwamutumine jitepu jenyi. Kaha ikiye mwaya nakumbata jitepu, kaha ikiye mwaya kuchipatela, kwosena ikiye nahase kuhaka eyi tepu, ikiye na lunga lyenyi wamundende, kuhema jize jitepu. Kaha jino Nanguya nakumutumina mukuta waunene wa—wa mahina akulombelela aze Ngwalombelele. Kaha shimbu yayindende, “Ndumbu walunga Willie, Nguli kuweluka wa kulombela mahina cheka.” Kaha jino omu Ngunavamono, ikiye kwiza nakwingila muliuka, chindende kambu jitoma, nasawelo yayindende; kaha ikiye, mukweze wamundende.

Pamo myaka fwo mokomoko faifi kunyima okwo, omwo Ngwapwile ku...

11 Lijina muka lya chize chihela muze mu Ohio, kuze vakiko vapwile nakuliwana ha mwaka ha mwaka? Vakiko veji kuchivulukanga Chautauqua. Oloze Ngwavulyama jino. Echi chili hano hamavu. Oloze chuma muka lize—lize lijina lya mbongi, Kangweshi kuhasa kushinganyeka echiko. [Ndumbu walunga kuhanjika, “Franklin.” Ndumbu wapwevo ambile ngwenyi, “Miami, ha Middletown.”—Muka.] Jino, echi chili, enu muli hakamwihi jino. Muthumwe ambile ngwenyi etu kuya nakuhita mu Miami. [Uze ndumbu walunga cheka kuhanjika, “Franklin.”] Kaha echi chili hakamwihi na Franklin. Eyo. Echi chakwoloka. Chakwoloka mu... Ngwafwelela chili mukachi ka Franklin... [Va ndumbu vamaunga vavali ngwavo, “Middletown.”] Middletown. Mukiko kaha. Echi chakwoloka. Shikaho, echi chakwoloka, Middletown, kuze kukalwiji, shikaho ku Chautauqua. Chize chinapu ngunja jachizuma yayinene, kuze vene kuchihela chakuhemena.

¹² Kaha ou ndumbu walunga, mamalelo, Ngwavatachikijile ha myaka, kaha wamundende Ndumbu walunga Kidd ali, mamalelo, Ngunashinganyeka ikiye kupwa muma eyite omu vakiko vamumbachile kuya kuze, kaha mandotolo kuwana nge kajikila kanalumuka kupwa na ufwa. Kaha shikaho echi kukula kumujingilika ikiye. Chamwaza, vakiko ngwavo chatela kuzata. Shikaho omwo vakiko vasokolwele helu, “Mwomwoika, kakweshi nakutondeka kuzatako. Ikiye ali kwakusuku.” Talenu? Ambile ngwenyi, “Kakweshi numba jila yakulingilako, numba mumwe.” Chamwaza, kuneha uze mukweze wamundende kwimbo. Kaha, kuzata, kupwa chachikalu ha myaka eyite yakusemuka. Kaha ikiye alemene nge, mamalelo, Ngwashinganyeka, pamo handulendi paundi.

¹³ Shikaho, Pwevo lya Kidd vamusanyikile, kuze. Nguneza kwimbo kufuma kumwe. Ndumbu walunga Kidd apwile nakufwa. Kaha ngwenyi, “Ikiye natondo kukumona, Ndumbu walunga Branham, shimbu kanda ove. . . shimbu kanda ikiye aseze.” Chamwaza, Billy na Yami ngwambachile kamukanda. Etu tukwechi—ou mujimbu, ufuku umwe, pamo teni koloko. Etu twaputukile, chimene chashishileho, pamo fwo. Mwomwo, musana ukwavo, Ngwatela kuseza cheka. Kaha etu twapwile hakamwihi nakupwa vakupula matayela kufuma kujimotoka jetu, kupwa kuze.

¹⁴ Mukweze wamundende, vakiko vamumbachile omwo Ngwayile kuze. Kaha ikiye kupwa na kalitwayi kakandende kumahye eyi, kutwama kuze nge kakuluka wamwaka. Echi chinalingi chumachimwe kuli yami. Kaha omwo Ngwayile nakutala hali ikiye, ikiye atalile hali chize.

¹⁵ Kuze kwapwilenga pwevo wakalemesa mukwavo natwame kuze, kunapunga umwe wavaze va memala va liuka lyenyi kufuma haze ikiye anangwile muze mujipili, lifuchi lya makala muze mu Kentucky, kuze ikiye akosele fifiteni ngwee halikumbi, kutuma lunga lyenyi kulovoka muwande kunangula Mujimbu wamwaza. Chize chapwilenga pamo myaka teni shimbu kanda Ngusemuke; kunangula Mujimbu! Kaha ikiye atalile hali chize, kaha ikiye amusanyikile ikiye kupwa “kaka wa pwevo,” kaha ikiye apwile eyite myaka yakusemuka. Kaha ikiye apwile wakuhambakana nayite. Kaha shikaho ikiye ngwenyi, “Kaka wa pwevo, ove wasoloka kanawa nge vula yachishika.”

¹⁶ Ngwashinganyekele, “Ize ikiko jila mukakuzata kutala ha chikungulwilo chenye, nasavala haze, kufwa. ‘Kaka, ove uli nakutala hali utoma nge vula yachishika.’” Yaah.

Kaha ikiye atalile kunyima nakujinguluka. Ikiye ngwenyi, “Ndumbu walunga Branham?”

Ngwambile ngwami, “Eyo, Ndumbu walunga Kidd?”

¹⁷ Ikiye ambile ngwenyi, “Chamwaza, Ngwashinganyeka nachiya nakupwa palanga Ikiye mwaya nakutuma litemba

lyami hamavu.” Ambile ngwenyi, “Nguli nakuya nakukanduka, chimene chino.”

¹⁸ Kaha Ngwambile ngwami, “Ocho kuwaha, Ndumbu walunga Kidd.” Ngwambile ngwami, “Ize ikiko jila ya kwivwa.”

¹⁹ Kaha uze kashinakaji Ndumbu wapwevo Kidd, vangahi vatachikiza ikiye, muno? Yaah. Ngunatachikiza, mamalelo, enu vavavulu munatachikiza. Shikaho ikiye ambile ngwenyi... Ikiye ambile ngwenyi, “Oloze, Ndumbu walunga Willie, kawashinganyekele nge Kalunga nahase kuka tata jino?”

Ngwenyi, “Punduvene, Ikiye ahashile.”

²⁰ Kaha ikiye ngwenyi, “Chamwaza, upahu kuli Kalunga!” Ikiye ngwenyi, “Kachi Ikiye natondo kunguhindula,” ngwenyi, “Yami—Yami nguli wakulizanga kuzata cheka.”

Ngwashingtonyekele, “Eyite myaka yakusemuka!”

Ngwaputukile kufukama hamavu. Kwejile chimweno. Muze mukiko chapwile.

²¹ Makumbi avali kufuma haze, vakiko vamutwalile kuchipatela. Vanyike vamaalunga apwile muupokola muze mumbongi. Vakiko kavahashile kwivwushisako. Chamulingishile ikiye kukinduluka kuli ndotolo. Kaha uze ndotolo azozomwene mutwe wenyi, ambile ngwenyi, “Muthu, kakweshi numba jila yimwe Ngunahase kuwana kala kwosena, jino, ngulweke mujimbu wove.” Kaha jino ikiye nge kupula chipatela hamavu. Haze vene na kukopa cha tepu, ikiye ejile, nakuhema Mujimbu. Kaha vakiko vayoyela kuze... Kaha kuze kwakamwihi na Chautauqua na kuze.

²² Jino, haze vene Nanguputuka *Tuze Tutachikijilo Tutanu natuvali*, nge omu etu twalingi *Evi Visemunuino vya Mauka Vitanu navivali*, ikiye angusanyikile ufuku ukwavo, ikiye ambile ngwenyi, “Chamwaza, uchi wami, kachi Ngwapwanga na mali,” ikiye ambile ngwenyi, “Ngunatondo kwiza nakushikumuka.”

²³ Ngwambile ngwami, “Vulyama echi, Pwevo lya Kidd. Ove—ove kapete kove kakuvandamina. Ove na popu twaya kuno.”

Ikiye ambile ngwenyi, “Muchima wove waundende!”

²⁴ Kaha echi cheji kungulingisa kwivwa kanawa, munatachikiza, mwomwo vakiko veji kunguzamisa. Ha eyite faifi mokomoko eyite sikisi myaka yakusemuka, kaha hanga vali nakuya. Kahajino yami, kuyayavala hano, ha fifite seli. Shikaho, yami, echi nachikulingisa ove kwivwa nge kupwa na kumika.

²⁵ Chamwaza, etu tukwechi kuhanjika hali echi, kaha lizavu lya mwaza kuhanjika kuli, mwomwoika, etu tunahase kutwama hano chimbwa cha ufuku.

²⁶ Oloze enu mwatela kuya ku shikola ya Chalumingo na chimene jino. Jino, enu mwatela kupwa vakukunyuka kulinga

chize. Kaha anuka, Ngunapunga lwola lwosena nakuhanjika, echi chili vene shili kutuma vana venu ku shikola ya Chalumingo. Kanda kulinga ngachizeko. Echi chakuhenga. Mbata vakiko, lwola lwosena. Talenu? Lwola lwosena yako navakiko. Ikiye. . . Kaha shikaho, jino, echi chili chimene.

²⁷ Shikaho, jino, kachi ove watela kuhona kuzata, kwivwa, kupwa na etu na kulomba na etu, na vyangocho, ove watela kujimbalisa mulimo, mukiko kaha. Yako lika kulutwe na kuhona kuzata, oloze kanda kujimbalisa liuka ko. Kanda muhona kuhona kuya kuliuka. Kangweshi nakumilingisa kupwa vakukotokela kuhona kupwa kuliuka. Oloze kachi enu namuhona kumilimo, kupwa kamwe, chize kacheshi kumikolesako. Jino, mwomwo, milimo, ikiko kaha mbolo yove hakumbi, kaha, ove, Mwata ashikile kuneha echi. Shikaho, oloze, echi, enu mwatela vene kwiza kuliuka. Mwamono?

²⁸ Ngwashinganyeka, hamene na chimene, Nguli na vamwe vandumbu vamaunga vamwaza muno mumbongi. Oloze Ngunahono kutachikiza lijina lyenyi lika jino. Ngwashinganyeka valivuluka kupwa Liuka lya Chipositolo, mokomoko Liuka lya Chipositolo, mukiko vene. Eli linapu Liuka lya Chipositolo. Ngwa—Ngunahase kutachikiza ndumbu walunga. Lijina lyenyi kalyeshi mulipapiloko. Oloze Kangwa—Ngunahono kutachikiza hiya ndumbu walunga ali hano lwola luno. Kahajino hamene naufuku, helu. . . [Ndumbu walunga ngwenyi, “Macias.”—Muka.] Ngukonekelenu? [“Ndumbu walunga Macias.”] Ndumbu walunga Macias. Mamalelo, Macias. Mamalelo, lize liuka lyavaka Mexican. Echi chakwoloka? Mamalelo, chize chikiko umwe ambachile chihela cha Ndumbu walunga Garcia omwo ikiye asele hano? [“Chakwoloka.”] Chamwaza. Echi chili chamwaza.

²⁹ Kuhanjika, Ngukwechi mukanda, hano lwola lumwe kunyima okwo, kufuma kuli mwanenyi wapwevo, helu. . . Ndumbu walunga Garcia, muze mu—mu California, hanga vakwachilila. Shikaho, Ngunapu wakusakwilila. Kaha Ngwamwene Ndumbu walunga na Ndumbu wapwevo Garcia omwo Ngwapwile ku San Jose, Ngwafwelela, na Ndumbu walunga Borders kuze. Vakiko vali kaha nakulinga kanawa. Kangweshi kavulyama maufuku aze kuze kuliuka lyalindende lya Mexico. Kanda lyehi nguvwenga lyehi “Gloria a Dios” muchiyoyelo chami chosena. Kangweshi kukavulyamako echi, “Gloria a Dios.”

³⁰ [Ndumbu walunga William kuhanjika kuli Ndumbu walunga Branham—Muka.] Yami! Ngwasakwilila, Ndumbu walunga Williams. Chize chamwaza. Vitwamo fifiteni handulendi vitwamo fifiteni, mu chimene, muli eli liuka. Kuhanjika, kalamuthu kwiza nakuhita, kachi ove kaweshi kuya. . . Jino, vandamina munyutu kaha. Ngwatela kupwa vakuvanguluka hali chize. Ngwambile ngwami chumachimwe chakuhenga jino.

Nduma. Kushishika chosena, ove wapandama kumulimo wove. Talenu? Kanda . . . Jino, echi chili chosena chakwoloka.

³¹ Kaha lelo Ngwawanyine vakiko . . . Ngwamwene mbalaka. Ngwapwile kuze ku Sikisiteni na Henshaw. Mokokoko, muze mukiko chapwile omwo Ngwapwile mu, muze mu Arizona, pamo myaka seti faifi kunyima okwo, majilo amwaka mujila ya majilo. Ngwayile kuze vakiko vapwile, kaha chapwile Sikisi na Henshaw. Ngwayoyele muze na vathu vamwe, Francisco, kaha—kaha jino ove kaweshi kuhasa kutachikiza chihela chochimwe. Kwalumuna na lijina. Ngunashinganyeka vamuvulukile Buckeye Road jino.

Kaha, mamalelo, omwo vyuma kwalumuka, oloze Kalunga katwama.

³² Kaha shikaho Ngwapwile kuze na kumona ndumbu walunga ali na kuliwana cha mbalaka. Vandumbu vamwe kushikumuka kuze kupwa muze mumbalaka. Ngwayile nakujinguluka kumona kachi Nangumumona ikiye, oloze Kangwamumweneko kwosena, kumulweka ikiye nge etu katweshi hano mu kulipika naikiye. Oloze, kuli kaha vathu vavavulu hano!

³³ Ngunanuka Jack Shuler. Echi nachiya nakupwa chamwaza kuli enu masepa vamu Mesondisiti. Omu Ngwejile kuno lwola lumwe, kwapwile ku Madison Square Garden, Jack apwile hano ha—ha shikola yayinene. Kaha—kaha Ngwamusanyikile ikiye. Kaha Ngwambile ngwami, “Ndumbu walunga Jack?”

Ikiye ambile ngwenyi, “Eyo. Ou ikiye Ndumbu walunga Branham?”

Ngwambile ngwami, “Eyo.” Ngwambile ngwami, “Yami nguli kulaha hano vene hali ove.”

³⁴ Kaha ikiye ngwenyi, “Nduma.” Ngwenyi, “Nduma. Ngwatwamine nakushimbula na kwingila mulwola lwove.”

³⁵ Kaha Ngwambile ngwami, “Mamalelo, Ngukonekele, Ndumbu walunga Jack.” Ngwambile ngwami, “Kangwalingile ngochoko . . .”

³⁶ “Ha,” ikiye ambile ngwenyi—ambile ngwenyi, “echi chosena chakwoloka, Ndumbu walunga Branham.” Ambile ngwenyi, “Vakiko vanatondo yami kutwama.”

³⁷ Ngwambile ngwami, “Mamalelo, lizavu lyami kalyeshi kuhasa kukuyanajisa oveko, kala mwosena omwo, Jack,” Ngwambile ngwami, “mwomwo vosena vali va Pendekosita.”

Ikiye ngwenyi, “Eyo vene, wami ali, nawa.”

Ngwambile ngwami, “Yaah?”

“Mwomwoika,” ikiye ambile ngwenyi, “punduvane.” Ikiye ambile ngwenyi, “Yami ngumuka pendekosita.”

38 Ngwambile ngwami, “Jino, ove kawatela kwecha Bob kutachikiza chizeko.” Napu ise, munatachikiza. Kaha ikiye napu ka Mesondisiti, nawa, kuzeya muungona, munatachikiza.

39 “Chamwaza,” ikiye ngwenyi, “Ndumbu walunga Branham, ove unahono kutachikiza chumamuka—chumamuka va pendekosita?”

Ngwambile ngwami, “Ngwashinganyeka ngocho.”

Ngwenyi, “Chize chinapu Mesondisiti Yamwaka.”

40 Chize chili chakwoloka, Orthodox Mesondisiti. Echi chakwoloka. Kachi liuka lya Mesondisiti navatwalilaho ha mujimbu, echi nachiya nakupwa mu pendekosita. Eli—eli Liuka lya mwenemwene lyalingile.

41 Nduma, kakweshi kalemesa ku chikungulwilo chenu jino, ndumbu walunga. Talenu? Mwomwo, pendekosita keshi chikungulwilo. Vakiko kweseka kulinga chize, oloze vakiko punduvene vahonene muli chize. Talenu? Chize chinapu kuhitamo lyehi. Yaah. Pendekosita yinapu Katolika, mokomoko—mokomoko Vayuleya, mokomoko kala muthu uze mwapwa...Pendekosita chinapu kutachikiza, keshi chikungulwilo.

42 Kaha jino kachi muthu wosena akwechi Mbimbiliya yakusokoloka, mokomoko hakamwihi, na yami kutanga na Mazu amandende. Ngwazanga kutanga eli Lizu, kanda ove? Mwomwo, hanyima ya vyosena, vize Ngunahase kuhanjika vanahase kuhona, mwomwo Ngwapwa muthu. Oloze chuma Ikiye mwahanjika kacheshi kuhasa kuhonako. Talenu? “Melu na mavu nawakahita, oloze Lizu Lyami kalyeshi kuhonako.” Mamalelo! Echi kacheshi chamwazako? Lizu Lyenyi kalyeshi kuhonako. Chuma kana chaupahu chize chili! Lizu Lyenyi kalyeshi kahonako.

43 Jino echa tutange ufukuuno kufuma, kaha kupwa na kutanga chachindende kufuma, chuma Nguli nakuya nakumbata mutwe wachihande, nge Mwata netavila. Echi chili mu Mukanda wa Amos, upolofweto wa Amos. Kaha ikiye ayoyele ha seveni handulendi kaha...Ngwashinganyeka echi chili ha seveni handulendi na eyite seveni shimbu kanda kwiza cha Kulishitu. Echa tufukununu mu kapetulu 3 wa Amos, eli Lizu lya Mwata hali Amos. Kaha Ngwa—Ngwazanga ou lunga. Ikiye napu umwe wa tupolofweto vavandende, oloze ikiye punduvene apwilenga na Lizu lya Mwata.

*Enu vana va Isalele iwvenu lizu eli nahanjika
YHOVA hali enu, Ove mwana Isalele, ha chisaka
chosenocho Ngwakanduwishile kufuma mulifuchi lya
Ejipitu, ngwami,*

Yenu kaha Ngunatachikiza . . . muvisaka vya hamavu vyosena: shikaho Nangukamizangamisa havilinga vyenu upapwoke vyosena.

Kachi nge vavali kavalivwasanyineko, navatambuka hamwe numba?

Ndumba mwakumbwoka mumusenge nge keshi namukokako numba? mwevu wandumba mwahanjika na lizu lyenzi lyakukanguka muufulwe wenyi, nge ikiye kakwachile na nyamako numba?

Kahajila mwafwila mumuheto hamavu, oku vanazeneka kumutela likonga numba? na kusowoka muheto hamavu chakuzeneka kukwata kanyama chakumukwata numba?

Navemba luneta kwimba mwimbo chakuzeneka vathu vahone na kuchikima woma numba? kwimbo nakukasoloka lupi, chakuzeneka ou Yehova kuchilinga numba?

Chamwenemwene mwata Yehova . . . keshi kukalinga chumako, kuvanga nasolola lyehi vyakusweka yenyi kuli vangamba yenyi vapolofweto.

Uze ndumba nakumbwoka lyehi, iyaze mwazeneka kwirwa woma? ou Mwata KALUNGA na hanjika lyehi, iyaze mwakana kwambulula upolofweta?

44 Echa Mwata ahake kukisula Chenyi kuli awa Mazu.

45 Nameso eyi amandende atelele kupwa nakukeha, shimbu omu musana wazumine muli chize chimene na kuvwakuma uze wevwu wenyi utoma na jikambu jenyi, nge omu ikiye ayile kupili ya kukuto ya Samaliya na kutala hali ize mbongi. Uvwalo wenyi wapwile wamwaza, kaha mahinji eyi lukungu. Ikiye kapwile chikuma wakuhasa kumutalako, oloze ikiye apwile na MUKIKO MWANAMBE MWATA hali vathu.

46 Omu chili chakuhandunuka lelo kufuma kuli vakakwambulula mujimbu wamwaza ava vakutona! Omu chinapu chakuhandunuka chize etu kupwa, kuhambakana ikiye!

47 Ou mukweze wamundende, kakweshi weka kuhambakana Amos, kapolofweto wamuchano wa Mwata, na Lizu Iya Mwata, mwomwo chisemunuino cha shili! Ou kapwile nawomako, lunga wamundende apolofwetele mumakumbi a Jeroboam wamuchivali.

48 Jeroboam apwile wautongwe, lunga wautongwe, oloze ikiye apwile muka makombelo. Kaha Jeroboam amutwamininyine wangana wenyi ku zevulune, oloze ikiye apwile makombelo. Ikiye achilingile mujila yakuhenga. Oloze wangana wafukile mwishi ya Jeroboam.

49 Kaha, kakavulu, kufukila cheji kunehanga shili. Vathu vavavulu veji kutala ha kufukila nge jikisu. Echi nachiya nakupwa, kachi etu tunahase kukwachilila echi mwakwoloka. Oloze echi chili kakavulu kutetekela shili, kuzeneka kalemesa kuli Kalunga.

50 Ou wangana wapwile nakufukila mulikumbi lyenyi, navathu. Ikiye kupwa nakuliwana na mafuchi na kujinguluka ikiye.

51 Kaha omu Isalele afumine mushili yaukalu, kufuma kuli Kalunga, kupwa nakufuma kujishimbi Jenyi kaha mufunda Wenyi, kaha kuya nakufumako, hamwe, chakukasumwisa. Vaze mapwevo kutambuka muze mujijila, muze mwamwaza, muuvwalo wakalemesa. Vaze malunga kuya, wiji na kunwa. Jize jizuvo jamujila, etu kusanyika echi lelo, chihela cha muchiseke, chakusokoloka muze mumbongi.

52 Shili kavayihakile manganako kuli uze mulimo, kupwa nakupwa chakusokoloka. Chihela chamwaza, chihela chahakachi kuli vangeji, kaha kupwa kuze chakusokoloka. Shili kavayitenukilileko kufuma kukamenga chekako. Chapwile hakupwa chakusekenya.

53 Kaha omu uze upolofweto kwiza nakulovoka, kusoloka nge keshi. . . Nachiya nakupwa chuma chamakumishilo chize chinahase kusoloka. Kutesekea nomu ahanjikile kapolofweto kuli vakiko, nachiya nakupwa chuma chamakumishilo chize nachisoloka kuli vakiko, kufuma mujila ikiye ashingile chize chisemunuino. Oloze, nge, mukachi ka myaka fifite, wangana wavo vaufumishile hamavu.

54 Kalunga kuhanjika Lizu Lyenyi. Kaha Lizu lya Kalunga lili nge Mbuto. Kaha omwo Echi vachivile, omwo uze kapolofweto ejile na Lizu lya Mwata na kuhanjika awa mazu, vakiko vejile nakuhita, kachi vakiko vapwile Mazu a Kalunga. Omwo eli—eli Lizu lya Mwata lili lya kuwavisa, kaha Eli linapu Lizu lya Mwata, Lili lyakukashiwa kumbata chihela Chacho mu ngonde Yacho.

55 Etu tunahase kumona Echi, hanyima ya masauzande a myaka, kumbata chihela Chenyi lelo. Echi chatela kuchilinga, mwomwo Eli linapu Lizu lya Mwata, kaha Kalyeshi kuhasa nakunongako.

56 Mthuumwe apwile nakuhanjika likumbi likwavo kuli yami, kaha ngwenyi, “Kuputuka chapwa chakuhenga, kaha makumbi sikisi a tengeso, ize Ikiye ambile ngwenyi.”

57 Ngwambile ngwami, “Kuputuka 1 na (Kuputuka) 2 chinapu vene chuma chakuhandunuka.” Kapetulu 1 wa Kuputuka kuhanjika, “Mu kuputuka Kalunga atangile melu na mavu,” tando. Omwo Ikiye alingile, kaha omwo Ikiye alingile, chize chili kuli Ikiye. Eyo. Kahajino, “Aka kaye kapwile na chifwanyisako, kaha kaupologwa,” kahajino etu twaputukile

kufuma haze, ha tengeso. Oloze, “Kukuputuka,” mujilamuka, etu katwatachikijileko. Jimbuto josena jize Ikiye apwilenga najo muze omwo meya afumine, kuyoya kwiza nakukinduluka hamavu cheka, kuveta hamavu. Kaha omwo Lizu lya Kalunga kutumba, kakweshi chuma chinahase Kuhonesa echi kusoloka.

⁵⁸ Kaha ou kapolofweto wamundende wakuzeneka woma kwiza kufuma kumwe. Chuma chimwe kaha etu vanatulweke, nge ikiye apwile kafunga. Etu tunahono kutachikiza ise apwile hiya. Etu tunahono kutachikiza naye apwile hiya. Etu tunahono kutachikiza okwo kala kufwila chenyi, kakweshi chuma chimwe hali ikiye.

⁵⁹ Omu mukiko mujila malunga vase vakutumine kufuma kuli Kalunga kwiza hazevene. Vakiko vejile kufuma kumwe, kaha kujima jila yoyimwe. Etu katwapwilenga na unjiho wa ikiye ko, chasolokele ngachilihi.

⁶⁰ Ou lunga wamunene Jeroboam, uze apwilenga na—na ngolo jainene ja muwongo, kaha ikiye apwilenga na lifuchi mukufukila, ohonyi, mu shili.

⁶¹ Ngwalikomokela, kachi etu katweshi kupwa kaha muyachi uze waundende chindende ufukuuno na na lifuchi lyetu, lifuchi lyetu, mu shili mujila kana. Oloze, kufukila, etu natuya nakuvatula mu mitelo, hazevene, Ngunevu. Mukiko vene, kalamuthu nahase kutanga mukachi ka mifunda kuze, kusakula kwiza. Oloze, navyangocho, vyuma vyosena vili nakuya.

⁶² Isalele, vakakunangula, tupilishitu, kaha fulumende yinaseze Lizu lya Kalunga kunyima, kaha kulivwasana. Kaha ou ukiko mulonga lino lifuchi lyapwile muli eyi seteko, chipwethuhu vakiko vapwile na tupilishitu vavavulu, kaha kupwa kaha vakakunangula vavavulu nge omu vakiko vapwilenga. Oloze vakiko vasele Lizu lya Kalunga, kufuma kuli Chize. Kaha echi chili lwola lwosena halwola luze, nge Kalunga mwatuma muthuumwe kufuma kumwe, kutotoka echi kunyima mujila yenyi cheka. Wakuzeneka woma muthu mwakakatuka na Lizu lya Mwata na kulinyikisa vathu kuyima ku Lizu cheka.

⁶³ Ngwapwilenga nakutala hano. Ngwasonekele chumachimwe hano, chize Ngunahase pamo kutalisa kunyima kuze. Echi chili ha kapetulu 2, vasi 4. Ngunatondo kutanga echi. Ivwulilenu kuli ou mukweze wamundende kuhanjika echi.

Mukiko nambe YEHOVA ngweyi; Havilinga vya Yuta vyakuzomboka jishimbi vitatu, kaha...haviwana vene, shikaho Kangweshi kuchipeulako mwomwo; mwomwo jishimbi ja YEHOVA vanajikane, vilika vyenyi kavavilamineko, kaha mazu avo akwonga anavahungumwisa, aze vakavangijilenga vakaka javo:

⁶⁴ Talenu kuze kuli mujimbu wenyi? Kuuhaka haze vene, nge vakiko vafumine mu Lizu lya Kalunga. Kukala mukakutanga

Mbimbiliya, uze atachikiza nge ikiye apwile kapolofweto wamuchano. Ikiye kuvahaka kunyima kuze ha Lizu, kuze vakiko kuholoka.

⁶⁵ Mamalelo, pamo mauka avo anafukila. Vakiko pamo vakwechi jizuvo jambwende. Mbongi yavo yapwile pamo chikuma kuhambakana chikuma kuhambakana Phoenix. Chapwile ku Samaliya, nge omu etu vosena tunatachikiza, kupwa chihela chachinene chavangeji. Echi kacheshiko, chihela chamwaza.

⁶⁶ Oloze, ohonyi, vakiko vafumine kuli Kalunga. Kaha Kalunga atumine ou muluwa kuli vakiko. Mujimbu kana wakutenukila kufuma kuli Kalunga! Ou kapolofweto wamundende ajinehele.

⁶⁷ Jino, Amos afumine mupambo, kuya mumbongi ya upahu. Shikangaho meso amandende akuhana kufuma kuli Kalunga kushikumuka nge ikiye kupwa hapili. Ikiye. . .

⁶⁸ Keshi nge omu mwahashila vangeji, mapwevo vakalemesa, kuhanjika, “Tala vosena kulandalanda nge mapwevo vali nakulinga. Tala ha kusoloka chachihya vakiko vakwechi hano,” mokomoko keshi nge vamwe malunga vanahase kushinganyeka, “Chize, na vyangocho, vapwile chachinene mu mbongi,” mokomoko mwomwo vakiko vatela kupwa haze halifumbila jila na kutala kuhita cha vakwavo, lwisio.

⁶⁹ Oloze ou kapolofweto, meso eyi amandende akukenyuka mwomwo ya shili ize ikiye amwene muze mumbongi. Katelele kukehesa mumeso mwomwo ya vyuma vize ikiye apwile nakutala, oloze kutala omu vanasosoloka kufuma kuli Kalunga, vathu vaze vapwile vakusanyika na kusakula. Enu munatachikiza hano? Ikiye ngwenyi, “Ngunahono kutachikiza vathu veka oloze enu. Ngwaktwaminyine kufuma mu Ejipitu, kaha jino ove kuya nakufuma kuli Yami nge ngachize.”

⁷⁰ Kaha omu ou kapolofweto, kwiza kufuma mukulama vangombe kunyima kuze kukuto ya lifuchi, na Lizu lya Mwata, omu ikiye kutala hali ize mbongi. Mwatela kupwa kukanyisa mukujinuoka. Uvwalo wenyi wakufwakuluka. Kaha pamo keshi mali akutamoko amulanjile ikiye na—na kapete ufuku uze. Kachanehele chihandwako kuli ikiye. Ikiye apwile na mujimbu uze wapwilenga nakuwema mumuchima wenyi, kaha ikiye atela kuneha echi. Keshi ngocho kahako, oloze kuwavisa cha Shipilitu Wajila chize chamuvertele ikiye muze mupambo, asokele meso eyi kufuma upahu wa kaye.

⁷¹ Kaha kala ngamba wakuwavisa wa Kulishitu, meso avo anapu akuwuva kufuma kuvyuma vya mukaye. Vakiko kaveshi nakumona vize vyuma kana. Vakiko kaveshi kutala hali vakiko. Vakiko vakwechi chuma chimwe: Kulishitu ali kumeso avo. Mukiko kaha vakiko vamwene. Vakiko kanda kwivwa womako kalachuma. Kulishitu ali kumeso avo. Ou Mujimbu watela kupwa kuli vathu, kaha vakiko kwimana kuchuma chimwe.

Ove kaweshi kuhasa kuwema Echi muli vakiko. Ove unahase kuvahaka mujele, kala chuma ove unatondo. Vakiko vejile nakulovoka cheka. Chize chinapu kuwavisa cha Mwata. Eyo.

⁷² Ikiye atalile ha kupola cha mushipilitu cha mbongi, kupola, kaha kupola cha mumbongi.

⁷³ Shikangaho vangamba vangahi ja Mwata, kuhita hapili hano, nachiya nakutala ha Phoenix? Ove twaya kuno mwomwo ya upahu, kaha musana, kaha kunoka, echi etu tunahase kuhanjika kumunyika cha chize.

⁷⁴ Hano keshi kunyima chikumako, lwola lwamakumishilo Ngwapwile hano, kutwama ku Pili yakukuto, pwevo lyami natwame kunyima kuze, Ngwapwile nakuhanjika kuli ikiye. Ngwambile ngwami, “Pamo myaka seli mokomoko fwo handulendi kunyima okwo vinema chapwile chihela chamwaza, kukakasana chauchi, omu uze Kalwiji wa Mungwa kuhita hano, kaha mimbwe, kaha navyangocho, kaha kuhanjika muze vyamingonga. Tala omwo chili...Chuma chosena chineza nakupwa kuliwana cha shili.”

Kaha ikiye ngwenyi, “Chamwaza, kahajino ove weji kukuneha hano?”

⁷⁵ Ngwambile ngwami, “Hano hakiko cheji kungunehanga hano. Chipwethuhu milima yacho kaha mu shili ize ili mumbongi, kuli maunjiho amwe a Mwata, chiumba cha Kulishitu, kushikumuka kuze. Ngwejile nakuhaka havifwiji na vakiko, kumunyika cha chize Kumunyika cha Mujimbu wamwaza. Vamwe vase vavandende vase vandumbu vamwaka kushikumuka haze halifumbila jila kuze, kuzata nakulovoka, kaha kulishinga hali chize, kaha kutambakana na kulomba echi, na mujimbu hamichima yavo. Nguneza na kumbila chihanda chami na vakiko, kumunyika Kumunyika cha Mujimbu wamwaza wa Yesu Kulishitu kuli metropolitan chachinene yinapu mbongi ya Phoenix.”

⁷⁶ Muli echi, chipwethuhu, chinahase kupwa chihela chamwaza; kachi lunga kupwa nakumbata kuhasa nge ikiye nahase kulinga chize, kutunga mazuvo amwaza nge helu haze ha Pili ya Camelback, Pili ya Cavalier. Nge omu Ngwahichilemo, mwomwoika, myka faifi kunyima okwo, chize chapwile mupambo. Etu kuhita kuze kunyima ya kavalu. Kaha kuze ha Pili ya Kusango hano, kuhanjika vimbulu na tuvalu.

⁷⁷ Kaha jino kwiza nakupwa chihela chachinene cha metropolitan ya eyi mbongi yamwaza yayinene. Echi chili nakukula nakwingila mu kapapa teni sauzande na masauzande. Echi kusolola nakulovoka, palanga jino nakupola cha jimbongi kuneha mukupwa mwamokomoko. Wishi kwiza nakwingilamo. Kututa chove chili chachipi nge omu chili mu Jeffersonville, Indiana, mu Ohio Valley. Kutukumwina...Muthu lwola lwosena kwenyeka kaye. Omu ma Indians vapwile nacho,

chapwile chihela chamwaza. Oloze omu lunga utoma ejile nakwingila, ikiye anehele jishili jenyi, na wala, na ujila. Kaha ikiye kupihisa mafuchi palanga kwiza nakupwa vyauchi oloze kupwa wakuzeya. Chuma kana chakutalaho! Kalunga mwaya nakufumisa echi kufuma kumeso a mavu, likumbi limwe hamakumbi awa.

⁷⁸ Kaha Ikiye kusakula vathu, mukwoloka, vaze navakayula hano hamavu, nge omu Ikiye mwayula nge Mwangana. Ikiye ali jino nakumbata vathu Jenyi ha Lijina Lyenyi, vathu va Wangana Wenyi.

⁷⁹ Jino, ou wautongwe, wamangana, lizavu lya va Isalele, unene, ngolo, ja kolokoko ya lifuchi, mokomoko, mwangana, Jeroboam, uze apwilenga lunga wautongwe, kaha, vakiko vanahase kwivwa ou wamundende, kapolofweto wakuhona kutachikiza? Ou mujimbu waunene, ou uli nakuwema mumuchima wenyi, ikiye nahase kutambuka nakuhita mujijila, kaha vathu kupwa, mapwevo kupwa, kuvwala vavene kanawa cheka, malunga kuseza muvyapu na vihela vya shili, kaha kwalumukila kuli Kalunga nakunangula echi chindende, mukweze wakuhona kutachikiza? Chize chikiko chihula pamo chatela kwiza muvishinganyeka, mokomoko echi cheji kulingikakanga, omwo Ngwamwene ikiye kwimana kuze, kaha mutwe wenyi waundende, mutwe walyaja kuvwakuma mumusana. Wewwu wenyi kusukama nakujujuluka chashi chenyi. Kutala hamavu nakuhita muze, kaha kutala hali ize mbongi, kaha meso eyi kukehesa, kaha muchima wenyi kuliveta.

⁸⁰ Kaha oloze, muze, ikiye amwene Wangana wa Kalunga, chize chatela kupwa chakuzama, kwosena kulemuwa mushili. Kaha na kutenukila kufuma kuli Kalunga, chize kupwa nakutenukila kufuma kuwangana nakupwa mukakulombalomba muze mujila, kala kapilishitu, mukakunangula, mwangana, wamulemu, mukulwane, kala mwosena ikiye apwile, ikiye apwile na changu cha Kalunga hakuhaka hali vakiko. Mwomut vakiko... Enu munashinganyeka vakiko navaya nakumutambula ikiye. Mamalelo, vakiko vanahase kwivwushisa echi?

⁸¹ Anuka, ikiye kapwile na kulitungululako. Ikiye ejile wakuhandunuka kufuma kuli vakakwambulula mujimbu wamwaza lelo. Ikiye kapwile na kulitungululako kufuma kuli tupilishitu. Vakiko kavatachikijileko hiya uze mukweze apwilenga. Oloze kwapwile Umwe uze atachikijile hiya ikiye apwilenga. Uze apwilenga Umwe uze amutumine ikiye. Chize chikiko vamulavile, kuli ikiye, kachi kaha ikiye atachikijile haze ikiye vamutumine. Mujimbu wenyi kuya nakulutwe kupwa mwomumwe, na chipwechipwe ngachilihi.

⁸² Ikiye kapwile na chikungulwilo kukinduluka ikiye omu ikiye kuya nakwingila mumbongi, kwiza kukuliwana cha vakakuzata, kuhanjika, "Vandumbwami, Yami vangutumine *eli* lizavu limwe,

eli lizavu lya vakakulifukula. Ngwapandama ku *munganji-mukananga*.” Ikiye kapwile ngachizeko. Ikiye kapwile na vyuma kanako. Chipwe ikiye apwenga na kati ya kulikata kusolola nge ikiye emanyine mu kulikata chamwaza na lizavu lya vakakuzata kufuma mulifuchi ikiye ejile nakufuma. Ikiye kapwile na kuzachila hamwe hakutangisa chenyi. Ikiye kahulile kala muthu hali chizeko.

⁸³ Uze mukweze wamundende apwile kwimana muze muchihela chachikalu. Echi nachipwa chakutamo hali muthu nakwalumuka nakuya kunyima, kaha kumbata utanga cheka, fumisa kuze ikiye asele, kachi ikiye kupwa navishinganyeka.

⁸⁴ Oloze, mwamono, uze lunga kambachile vishinganyeka vyamuchivaliko. Ikiye kashinganyekele hakala kulema, chipwe ikiye kushinganyeka ha kati yakulikata. Ikiye ashinganyekele ha chuma chimwe, kaha chize chapwile Lizu lya Mwata. Kalunga amuhanyine Echi kuli ikiye na kupwa, nge ikiye atela kuya kuze na kupolofweta. Chize chikiko kaha chanehele chihandwa kuli ikiye. Ikiye apwilenga na Lizu lya Mwata, kaha shikangaho ikiye evwile nge katondele ulemu ko, mokomoko kala kutungulula, mokomoko kala kuzachila hamwe. Chuma chimwe kaha ikiye atondele, chapwile, ikiye apwile na kuzachila hamwe na Kalunga, kaha mukiko kaha chasolokele. Chikalu kaha apwile mupunga ya Mwata, chihandwa muka chalingikile? Kachi kaha ikiye atachikijile nge mujimbu wenyi wa kufuma kuli Kalunga, Kalunga mwaza nakwinjikiza ou mujimbu. Ikiye atela kupwa.

⁸⁵ Kaha omwo ikiye anehele mujimbu, chasoloka nge kuli tupilishitu vosena, na vakakunangula, kaha tupolofweto va chize chisemunuino, vejile nakwingila na kwalumuka nakupihilila, mwomwo vakiko kachi vamwene chiyoyelo cha chihela, kumona kupola. Oloze omwo ikiye aputukile kupolofweta na Lizu lya Mwata, Echi chapwilenga chaungeji kuli vakiko. Vakiko vatachikijile nachuma chimwe hali Chize.

⁸⁶ Echi chinapu chifwanyisa cha chize lelo. Chaungeji, mujimbu wa Mwata! Eli liuka linahono kutachikiza hali echi. Omwo vakiko vali nakwivwa vathu kukatuka na kuhana mujimbu mumalimi akuhona kutachikiza, kaha kuhana kulumbununa kuli echi, kaha kuhanjika chuma chimwe chili nakwiza nakusoloka, vathu kwalumuna mitwe yavo na kutambuka nakuya; kushinganyeka vathu kupwa vakuzaluka. Vakiko vamwene muthuumwe kukatuka mu Shipilitu na kupolofweta, mokomoko kuhana mujimbu kufuma kuli Mwata, mwomwoika, vathu valiuka lya kaye lelo kushinganyeka muthu najimbalisa vishinganyeka vyavo. Echi chinapu chaungeji kufuma kuli vakiko, mwomwo vakiko vali ha seteko yoyimwe, lelo, nge Samaliya apwile muli lize likumbi.

⁸⁷ Oloze, anuka, omwo mafuchi nawakaya, mokomoko liuka lya

Kalunga lwola lwosena kupwa muli ize seteko, Kalunga apwile wakutela kusangula kapolofweto na Lizu lya Mwata kuli vakiko. Punduvene.

⁸⁸ Vakiko vanavulyama, kunyima okwo. Oloze vakiko vatela kwanuka, chipwethuhu vakiko vanahase kutala kuhichila mumikanda yavo, kaha talenu kachi vakiko vapwile na mukweze wakufuma kumashikola, wa lijina lya Ndotolo Amos, mokomoko chiku. Vakiko vatela kutachikiza, nge, “Kalunga ka Apalahama apwile wakutela kufumisa kuli awa malolwa kupwa vana, mokomoko tupolofweto, kuneha Lizu Lyenyi.”

⁸⁹ Kaha youmwe Kalunga ali kaha nge ufukuuno nge omu Ikiye apwilenga jino. Kaha nachiya nakupwa, punduvene, chapwile kuhona kwivwushisa kuli vathu. Ikiye nahase kukatula malunga, vathu vakuwavisa, kuneha Lizu Lyenyi. Ikiye nahase kuhaka eli Lizu muli muthu, kumutuma, kaha kwinjikiza nge Ikiye apwa Kalunga, hali uze muthu uze mwalihehesa lyavene na kulihana lyavene kuli Kalunga, kaha keshi kupwa nawomako kumbata Kalunga ha Lizu Lyenyi. Ikiye ali wakutela kuchilinga, kaha Ikiye mwaya nakuchilinga. Ikiye ashikile Ikiye mwaya nakuchilinga.

⁹⁰ Kaha Mazu Eyi, mukiko vene, apwile wakwinjikiza kuli vakiko mulikumbi lize. Mwomwo, shimbu chize chisemunuino chochimwe chapwilengako, vyosena vize Amos apolofwetele kwiza nakuhita.

⁹¹ Ngwalikomokela lelo, jino, nge kachi Amos mwaya nakwiza kuli etu, etu natumutambula lelo? Phoenix kupwa Amos? Kachi kumwe kusali ya pili hano, kumwe, mokomoko kushikumuka chihanda chimwe cha lifuchi, kwiza chindende, kuvwala chakufukuluka mukweze nge ngachize, kutambuka muno na kusanyika nakwiza muchiyulo cha vakakuzata kaha kuhanjika, “Ngukwechi Lizu lya Mwata,” enu munashinganyeka etu natuya nakumutambula ikiye? Punduvene nduma.

Chuma chatete etu natuya nakumuhula ikiye, “Lizavu muka ove uli nalyo?”

⁹² Kaha kachi ikiye mwaya nakwalumuka nakujinguluka, nakuhanjika, “Lize lizavu lya Mwilu”? Nge kupwa ngeji kuli etu, Nguli nawoma.

⁹³ Oloze ize ikiko jila ili jino. Kaha pamo jila yoyimwe na lelo kachi Amos ejile nakusoloka.

⁹⁴ Echa, kupwa kaha mwomwo chumamuka Ngunahanjika, kumutwala hano, kupwa tando yayindende, kaha talenu chuma etu twashinganyeka ikiye mwaya nakulinga. Munatachikiza chuma muka ikiye mwaya nakulinga? Ngwafwelela ikiye mwaya nakuhona kwitavila hamwe. Eyo, mwane. Ikiye mwakana na kunangula cha vikungulwilo vyetu. Ikiye mwaya nakupaisa Mesondisiti, Mbaputishiti, Pulishiteliyani, Luteleni, Katolika, kaha Pendekosita. Ikiye mwaya nakumbata chuma chosena.

Ikiye punduvene mwaya. Ikiye mwakana na kunangula cha vikungulwilo vyavo. Ikiye mwaya vene kuchikuku cha Lizu, kaha nakuputuka mwakwoloka ha eli Lizu. Ikiye aputukile kwambulula hali MUKIKO MWANAMBE MWATA.

⁹⁵ Mwomwoika, mwomwoika, enu mwashinganyeka Phoenix nayiya nakumutambula ikiye? Enu mwashinganyeka Louisville mwaya nakumutambula ikiye; New York, Boston, Massachusetts, mokomoko kalamwosena omu chatela kupwa, California? Nduma, mwane. Vakiko vapwile na mukwetu wamundende mujele washi washi nge vakiko vanahase kumumbata ikiye kuze. Punduvane mwaya. Vakiko navaya vene nakulinga ngachize. Kachi ikiye akindulukile ku Lizu, Ngunakunyuka vakiko navaya, mwomwo kala lizavu naliya nakukana na ikiye. Kuze kakweshi kupwa kwitavila chimwe na ikiye, mwomwo vakiko vatela kukwata visemwa vyavo mangana kukana na Lizu.

⁹⁶ Etu twatela kwanuka nge ikiye apwa kapolofweto wamuchano. Kachi ikiye apwilenga, kaha kachi ikiye apwilenga kapolofweto wakutuma kufuma kuli Kalunga, ikiye mwaya nakupwa na lusona kuli ikiye, umwe kuvuluka lusona luze etu tunatachikiza ikiye kupwa kapolofweto: ikiye mwaya nakutwama na Lizu. Mwomwo, muze mukiko Lizu lya Kalunga lyejile, lyapwile kuli twopolofweto.

⁹⁷ Munatachikiza chuma ikiye mwaya nakulinga? Ikiye mwaya nakuvuma na kupaisa chimo chisemunuino. Ikiye mwaya nakupaisa kala pwevo wakuteula jikambu mulifuchi. Ikiye mwaya nakupaisa mukakunangula kala chikungulwilo. Ikiye punduvene atela. Ikiye mwaya nakupaisa kala likanya lya wishi, kala pwevo kuvwala jiputula mokomoko mulukwe. Ikiye mwaya nakupula. Mwomwoika? Echi chili chakulimbakana na Lizu. Chakwoloka.

⁹⁸ Enu munashinganyeka etu natuya nakumutambula ikiye? Ha kulumbununa. Vakiko kaveshi kuhasa kumutambula ikiyeko.

⁹⁹ Ikiye mwaya nakupaisa unyengwe wa liuka. Ikiye nahase kunyikisa uze waundende mukanya munwa muli vakakunangula meso na kuhanjika, “Ove unatwale nge kungulweka yami kusanyika ove lyavene ngamba wa Kalunga wakuwavisa, kaha mwemana kukamenga na kwecha mapwevo jenu kuvwala mwausunda mukachi ka malunga, na vyuma nge ngachize? Echa mapwevo jenu kukatuka nge ngachize? Ove muya nakwitavila malunga jove kumbata kapapa kavali mokomoko katatu, kaha kupwa vakakuzata muliuka mumauka? Ove unatwale nakungulweka nge ove muya nakukwata hali mukakufwelela uze ove ukwechi mulivoko lyove, kaha kwalumuka kusali ya Lizu lya Kalunga?” Mamaah, yami! Ikiye mwaya nakuvuma chuma kana. Eyo, mwane. Kulyenyeka cha liuka, kaha kulyenyeka cha mamembala, ikiye mwaya nakupulika. Yami! Kala membala,

ikiye mwaya nakutanya. Kala kunangula cha vathu, ikiye mwaya nakutanya vyuma muvihanda vihanda.

¹⁰⁰ Jino, munahase kutambula muthu nge ngachize? Nduma. Vakiko kavahashile kulinga chizeko. Vakiko punduvene kaveshi kuhasa kuchilingako. Vakiko navafumisa muze mumbaka washu nge omu vakiko vahashile. Mwomwoika, lizavu naliya nakupwa hamwe, nakuhanjika, “Ngwenyi, etu twatela kulinga chumachimwe hali echi. Ambulula chikungulwilo chove kacheshi kuya kuze nakwivwa echiko.” Nduma. Nduma. Etu katweshi kuhasa kumutambula ikiye, ha kulumbununa, etu katweshi kuhasa kumutambula ikiye. Punduvene. Vakiko kavahashile kulinga chizeko.

¹⁰¹ Ivwulilenu kuli ikiye nakuvuma. Mamalelo, Ngwazanga echi hano. Nguli nakutala hali vize ikiye ahanjikile. Ikiye ambile ngwenyi, “Uze vene Kalunga enu mweji kuvulukanga kuzachila mwakaya nakukwenyeka.”

¹⁰² Ikiye mwaya nakuhanjika chuma chochimwe na lelo. Etu vaka America kulijingilika etu vavene mu vyuma vyakusekeleka, chikuma kupwa na jizuvo, kaha jinambala jajinene muze muvikungulwilo vyetu, kaha vyosena echi puho yamwaza, kaha vakakuzata vaze vamulongesele kukwachilila kuunda chavo na kuhanjika chumachimwe hali echi, mwomwo vakiko vapwile nawoma nge vakiko navaya nakumuhanga kumufumisa muliuka. Punduvene. Ikiye mwaya nakuvuma chize chuma muvihanda vihanda, mwomwo chili chakulimbilaka na Lizu. Punduvene nachiya. Kaha uze vene Kalunga uze etu tweji kuvulukanga kuzachila mwaya—mwaya nakuwecha vyuma kana, likumbi limwe hali awa makumbi. Ikiye mwaya nakupulika muvihanda vihanda.

¹⁰³ Amos keshi kuhasa kwalumuna mazu eyi, kachi ikiye apwilenga hano lelo. Twama haze vene ha Lizu! Mamalelo! Ika? Ivwulilenu ikiye kuvalweka vakiko kuze, “Kalunga akuzangile. Ikiye akunehale. Ikiye akulingishile ove kupwa vathu vakusakula.”

¹⁰⁴ Ngunatondo kwivwa ikiye mu liuka lya Pendekosita lwola lumwe. Ove wafwelela nge ikiye apwa Amos, pamo ove mufuma hanyima yami, chindende. Talenu? Eyo, ikiye mwaya nakuvalweka. Ikiye keshi kuhasa kukoka jifwanyiji. Ikiye mwaya nakuvuma chikuma nge omu ahashile, kaha kuvalweka vakiko kuze vakiko vanaholoka kufuma ku Lizu.

¹⁰⁵ Uze Kalunga uze akunehale kufuma muze muzuvo, kutunga kuli vathu, myaka okwo! Myaka fifite kunyima okwo, masenu na manenu kwiza nakufuma zachilo kupwa wakukashiwa helu na hamavu kupwa mukaye muli vakiko. Kaha Kalunga atumine keke Yenya na kusanyika ove, kufuma mu shili na vyuma vize—vize vyapwilenga muliuka. Kaha jino enu munalumuka nakujinguluka, nge omu alingile Samaliya. Nge, Kalunga

avanehele kufuma mumafuchi osena, kaha vakiko kwalumuka nakujinguluka kaha vakiko kupwa na chivwasano na lize lifuchi, omu etu tuli lelo, na kweseka kulanda na aze mauka amanene avikungulwilo. Etu tuli nakutunga mashikola amanene. Chumamuka? Etu katweshi nakutonda mashikola amanene. Echi chili chakwoloka; Kangweshi nachuma chimweko hali echi.

¹⁰⁶ Oloze kalalwola luze enu kupwa na chikuku mokomoko kuwana mokomoko twamina nakupwa navyangocho likumbi, chamwaza, ikiye mwaya nakulinga mwamwaza mulikumbi lyenyi, oloze, hazevene ikiye mwaya, kahajino vakiko navaya nakutunga chikungulwilo helu lya milimo yenyi. Jino vakiko navaya nakupwa na lizavu lya Rickys kuze, na Elvises, na, chuma chatete munatachikiza, vakiko kuchongonona chuma kupwa nakulifwana vavene. Kaha jino echi *chikwavo* kwiza kaha ikiye kwingisamo chumachimwe cheka, mwomwo ikiye mukakulilongesa wamunene wakatanga kufuma ku Harvard kukwe, mokomoko chuamachimwe. Kaha chuma chatete, vakiko vaputukile kwingisa *echi*, kaha kumbata *Echi*, kaha kuhanjika *Echi* kachalumbunukile nge *chizeko* na *chize*. Ove uli kunyima muze chochimwe chamwaka cheka. Eyo.

¹⁰⁷ Kachi Amos apwile hano, ikiye mwaya nakupulika chuma hazevene hamavu. Ikiye kanda kutunga kapeni hali omu mauka amavulu ikiye kuhasa kuzachila hamwe na ikiye. Ikiye keshi kuhasa kutunga liuka lyenyi ha chikungulwilo chimwe mokomoko chihanda chimwe cha liuka. Chuma ikiye mwaya nakulinga, kutunga kwambulula ha MUKIKO MWANAMBE MWATA. Kalunga mwaya kunyima yenyi nge omu Ikiye lwola lwosena alingile, kwinjikiza nge echi chakwoloka. Ikiye ambile ngwenyi, “Kuli ukalu. Kuli mayongomena ali muliuka lyove.”

¹⁰⁸ Chuma muka ikiye mwahanjika lelo? Chuma muka ikiye ahanjikile na eli Lizu lya Kalunga kusukama hano kumeso etu? Chimoteu Wamuchivali 3, kuze Yahanjikile, “Vakiko navakapwa vakakulivwimba, vakakulivwimba, vakakuzanga chiseke kuhambakana kuzanga Kalunga; vakaukeya, vaka kuvangila vakwavo, vaka kuzeneka kushishika, vaka kutenuka chikuma vaze vali nakweseka kuyoya mwakwoloka; kupwa na kufwana chakumokoma kalunga, oloze ngolo jachonyi navakajihamika.” Ove kushinganyeka apolofweto kuhasa kukatuka hazevene kuhita uze upolofweto?

¹⁰⁹ Ikiye mwaya nakuhanjika, “Echi chinazalishiwa kumeso enu lelo,” omu lize liuka kupwa na kuhanjika, kaha omu vyuma vakiko kuhasa kulinga. Ikiye mwaya—ikiye mwaya nakuneha kwanuka chove aze Mazu a Kalunga. Ikiye mwaya nakuneha kwanuka chove chuma Kalunga ahanjikile Ikiye mwaya nakulinga muli lino likumbi, kachi Amos asangukile haze vene. Keshi kaha chizeko, oloze Kalunga mwaya nakwinjikiza kuli Amos, chuma Ikiye ashikile kulinga muli lino likumbi.

Punduvene. Ikiye mwaya. Ikiye achilingile muli lize likumbi. Ikiye lwola lwosena alingile echi. Punduvene.

Etu katweshi kuhasa kutambula Amos kachi ikiye asangukile haze vene.

¹¹⁰ Jino, omu, “Chize kufwana chakumukomoka kalunga,” kwimana kuze mu—mu lizavu lya vakakwimba, na—na kujinguluka hali chize, lizavu lyalinene lya vakakwimba, na—na kwimba nge Vangelo; kaha kukina, ufuku ukwavo, nge maliyavolo. Echi chakwoloka. Talenu? Echi chinapu vene muchano. Vamwe vejile nakulovoka nachachinene, uvwalo waunene, kusoloka mwajitemo nge ngachize, kaha kusoloka nge vyuma vya Mujimba wa ungelu; kaha kwimana kuze na kukana Lizu, nge kala shipilitu wamupi mwaya. “Kupwa na kufwana chakumukomoka kalunga, oloze ngolo jachonyi navakajihamika.” Yako, kuhanjika ha lujimiko lwa Shipilitu Wajila, vakiko, mwomwoika, ikiye mwaya—ikiye mwaya nakukuhanga muliuka. Talenu? Mwomwoika? Ikiye atela kulinga. Oloze vakiko navaya nakwimana muli awa mauka na kwecha mamembala javo, mu chikuku, kulinga kuchongonona na rock na roll.

¹¹¹ Kaha ava vavuluka ngwavo Y.M.C.A., Ngwalikomokela chuma muka chize C yemanyina kuze. Kutambuka muli vakiko, ove kaweshi numba kwivwa chuma chimweko oloze Lijina lya Mwata- . . . Uze Mukweze Walunga ali Nakukwangula Ngalila?

¹¹² Ngwatwamine, keshi kunyima chikumako, muze mu zuvo yavangeji, mwapwilenga nakuzauka kufuma ku Y.W.C.A. Kaha chapwile chasonyi kumona vaze vanyike vwapwevo vavandende kuze hamavu, palanga pamo ha nayini koloko, kweseka kuhokola mahinji avo, kulinga kulichongonona. Echi chakwoloka. Kaha vosena mulivakiko, mamembala va liuka, kwimba mulizavu lya vakakwimba, kaha kunangula shikola ya Chalumingo. Vyauchi oloze uze liyavolo, kunangula vakiko vana vavandende kulovoka kuze hamavu, zachiso ize vanatungu, vavuluka kulifukula. Punduvene. Kapolofweto wamuchano mwaya nakuvuma chize chuma cheka kunyima kwingila mukanwa ka hetese kuze ikiye aputukile. Punduvene unapu muchano.

¹¹³ Enu munashinganyeka Amos nahase kwimana kukamenga na kunangula Mujimbu wamwaza, kaha kutala hali lizavu lya mapwevo kuteula jikambu kaha kuhona kupaisa? Enu munashinganyeka ikiye keshi kuhanjika Isaya 5, na Kolinde Watete 14? Kaha, mamalelo, keshi ikiye—keshi kuhasa kuhingununa chizeko? Punduvene. Ikiye mwaya. Kutambuka nakuya mujila kaha kumona mapwevo na uvwalo waundende, kusoloka nge malunga, chikuma nge chikova kupwa kuweluka, chikuma; kuya nakushikumuka, kuchongonona, kutenganya, kutambuka nge ngachize, kunuka vavene, kaha

ove kushinganyeka muthu wa Kalunga keshi kuhasa kwimana mukamenga na kutotoka chuma kana? Omwo, echi chinapu chachikalu kuhanjika kufuma kukamenga. Kaha chize chinapu mumauka a Chipendekosita, nawa. Echi chili vene chakwoloka. Kachanehele chihandwa kuli Amos ko. Huu-hu. Vamwe... Ikiye mwaya nakupwa umwe uze mwahanjika echi. Ikiye keshi kwivwa womako, mwomwo ikiye apwilenga wakuwawisa kuli Mwata. Kaha kachi ikiye apwilenga MUKIKO MWANAMBE MWATA, chatela kupwa Lizu lya Mwata.

114 Ikiye ejile ku Samaliya, keshi kutala ha upahu wavo, kulava mazavu angahi, kaha manambala vangahi vakwechi.

115 Nge muze Ngwahanjikanga ufuku ukwavo, chasoloka kupwa, lelo, nge liuka lyosena vanalitungila, chuma chivene mukachi ka vandumbwami lelo, cha mauka, chili, "kulava, kuluva" umwe kweseka kufumisako chikwavo. "Kulava!" Kalunga keshi kulavako. Ikiye eji kulava vilinga. Vilinga vikiko Kalunga kutala kuwana, muthuumwe Ikiye nahase kuhaka mavoko Eyi hali, muthuumwe uze mwaya nakwimana nakushimbula chikuma.

116 Nge omu twahanjikanga, "Kusakula! Mwaka wosena, etu twapwanga na kusakula *chachivulu*." Awa anapu *malolwa*, "kulikonekela." Kaha kuwaha muka chili lilolwa chakuzeneka lilolwa lyakuvambuka na Lizu lya Kalunga, kumuvatula ikiye muli mwana Kalunga, mokomoko mwana wapwevo wa Kalunga, kaha kumuhaka ikiye mu Liuka muze ikiye apandama? Kushindumuna malolwa kaweshi kutunga. Ove kupwa nakuvatula vakiko na kuvatunga.

117 Etu twatondo malunga lelo, malunga vakuwawisa, nge Amos apwile, chize nachiya nakuvatula kaye kufuma kuli uze pwevo na kumulingisa kupwa mwana wapwevo wa Kalunga, kuvatula kaye kufuma kuli lunga. Chipwethuhu vangahi vakufwelela muliuka vamutapwile, mokomoko kalachuma nawa, ikiye mwaya nakwimana ha MUKIKO MWANAMBE MWATA. Eyo.

118 Etu katweshi kuhasa kutambula Amos, Kangwashinganyeka, nge ngachizeko. Chuma muka ove mushinganyeka Amos mwaya nakulinga omwo ikiye atambukile muliuka lya Pendekosita lelo, kulivuluka kupwa vakutwaminyina kuli Shipilitu Wajila, kaha jino kumona chuma chochimwe muliuka lya Pendekosita chize kulivuluka kupwa vakutwaminyina kuli Shipilitu Wajila? Ngwalikomokela. Jino, etu tunahase kuhanjika hali va Mbaputishiti, na va Mesondisiti, na va Luteleni, oloze, omwo nachiza ku chikolo chetu cha majilo, jino ngachilihi echi? Fuma mu Lizu lya Kalunga! Chumachimwe chayile chakuhenga, kumwe. Echi chili vene chakwoloka. Yaah. Vakiko vejile na kulinga vyuma vyosena vyakuhandunuka, kaha kulivuluka kupwa vakutwaminyina kuli Shipilitu, kukina mu Shipilitu, lwola lumwe kuhanjika na malimi.

119 Ngwafwelela mukuhanjika na malimi. Ngwafwelela kukina mu Shipilitu. Ngwafwelela mukutambakana. Oloze kuli vyavivulu vili nakuya na chize. Echi chakwoloka. Enu namulinga vyuma vyosena, kaha kukana Lizu, kahajino kuli chuma chimwe chakuhenga kumwe, ukwechi shipilitu wakuhenga. Huu-hu. Kalunga keshi kutwaminyina vathu Jenyi kuvyuma kanako, mwosena omwo. Nduma. Ikiye keshi kuhasako.

120 Ngunashinganyeka lunapu hilwola lwakulovoka kufuma mu party, mukwavo waku Boston Tea Party, nge kuhanjika. Eli liuka linatondeka umwe. Linatondeka kutomesa chivene.

121 Omwo, Joan of Arc, mumakumbi anahichi, liuka lya Katolika vahonene kutachikiza nge ikiye apwile mukakujila omwo ikiye apwile nakuyoya, mwomwo ikiye amwene vimweno, nahase kulumbununa vilota, pwevo wa Shipilitu wakuzala. Kaha Kalunga azachishile uze pwevo wakalemesa wamundende. Kaha vakiko vashinganyekele nge ikiye apwile muloji. Kaha vakiko vamwochele chikupu, nge muloji. Munatachikiza chize. Vaze tupilishitu vamu Katolika valingile chize vavene. Myaka handulendi yahichile, kaha vakiko wawanyine nge ikiye apwile mukakujila. Kahajino, omu vakiko vapwile nakuya nakumvilika hatoma, vakiko nakumuzangamisa. Shikaho vakiko kufula mijimba ya tupilishitu na kuyimbila mukalwiji, nakupwa kuzangamisa. Mwamono, echi chahichile kaha vakiko vahonene kumona chize. Vakiko valingile hakamwihi na chuma chochimwe na Mukakujila Patrick na vosena vakwavo.

122 Shikangaho Yesu ambile ngwenyi, “Enu mweji kushika kaha kulingisa vimbumbwe vya tupolofweto, kaha ove unapu umwe uze ahaka vakiko muze.” Echi chakwoloka. Chuma etu tunatondo lelo shina Amos uze mwaya nakuneha cheka Lizu lya Mwata kuli etu. Punduvene mukiko chili.

123 Jino, kutonda chetu na vyuma kavyeshi chumako shina Shipilitu ya Kalunga kuvanga kupwenga kutondeka chetu. Kachi chiyoyelo chetu kacheshi kupezelesa na kutondeka chetu, jino kuli chuma chimwe chakuhenga.

124 Joan of Arc kutwaminyina France kukutungulula. Vakiko vatondele vakakutungulula. Muze mukiko vene valingile. Vakiko vatondele vakakutungulula, kaha ikiye achitwaminyinyine. Oloze hanyima yakutungulula, kuze kuluwisa vachitungile, vakiko kutonda kutungulula nakwoloka—kwolola chuma vakiko apwilenga kuhanjika hali chize.

125 Ngunahanjika kuliuka lya Pendekosita hakamwihi Ngunatachikiza eyi Mbimbiliya lelo. Kachi kachapwile ngochoko, Nanguya nakupwa umwe namukwavo. Echi chakwoloka. Kangweshi kuhasa kwimana hano kuwahisa lwola lwami, kuhanjika kuli vathu va Chipendekosita, kachi Kangwashinganyekele nge kuze kwapwilenga malutalililoko.

Chakwoloka. Pendekosita ali wakwoloka. Oloze omu etu nakutondewa kupwa hamwe na visemunuino vyetu kuhokola, jino etu kutonda kutungulula. Etu kutonda kwiza cheka; Ngukwechi...keshi kutonda cha Pendekosita, oloze Pendekosita yitoma kwiza.

¹²⁶ Kalunga apwa wakujila. Vakiko vaze veji kuyoyanga na Ikiye atela kuyoya wakujila. Ikiye apwa Kalunga wakujila. Eyi Mbimbiliya ngwayo, “Chakuzeneka kujila, naumwe muthu mwakaya nakumona Mwata.” Ou unapu muchano. Kuyoya Chenyi chinapu chakujila. Kaha kachi Kuyoya Chenyi chili muli ove, Echi nachikulingisa ove kupwa wakujila. Chakuzeneka echi, enu kamweshi nakumona Mwata. Kaha tala okwo ikiye ali nakwingisa.

¹²⁷ Etu tuli chuma chimwe nge Isalele apwilenga mumakumbi aze, chipwethuhu. Isalele ashinganyekele, mwomwo vakiko vapwile vakufukila, vyuma vyosena vili nakuya kanawa. Vakiko vapwile na chivwasano, mumakumbi avo, na jimbongi jikwavo. Kaha vakiko vapwile na chivwasano. Fulumende vapwile na chivwasano na vakakuzata, na tupilishitu, na tupolofweto. Kaha vakiko vashinganyekele nge chapwile chakwoloka. Kaha vakiko vashinganyekele nge chize chapwile chakumwivwisa Mwata kuwaha. Oloze vakiko vapwile na mukweze wamundende uze akatukile na kuvaneha cheka. Echi chakwoloka.

¹²⁸ Mwomwo vakiko vapwile vakufukila, haze hakiko etu tweji kuluwisa. Kufukila kacheshi chinjikizo cha kukisula cha mushipilituko. Echi chakwoloka. Keshi chindendeko. Kufukila, lwolalumwe, kupwa chakuhonesa.

¹²⁹ Enu anukenu chuma muka Mwata ahanjikile hali va Isalele? “Omwo enu mwapwile vanyike vavandende, omwo enu kamweshi nachuma chimweko, omwo enu mwahakile mu manyinga enu vavene muwande, naumwe kuli ove utoma, Ngwambachile muli ove. Jino ove wangulwile Yami. Oloze omwo naukula chikuma palanga ove vashinganyekele nge ove wapwile wakwoloka kaha wakukingiwa, kahajino ove wangusele Yami.” Vakiko lwolalwosena valingile ngachize.

¹³⁰ Ujiya, nge omu Ngwahanjikile ha kulya cha Business Men chimene chikwavo, ikiye apwilenga lunga wamunene. Ikiye akwachile kuli Mwata. Oloze likumbi limwe hanyima ya Kalunga amuzamishile...Kaha ikiye apwilenga wakutalilaho kuli Isaya uze kapolofweto. Oloze hanyima ikiye kupwa wakujikiza, kaha kutungiwa, mafuchi kuputuka kumwivwa woma ikiye. Ikiye atungile jimbango na kuputuka kupwa vyuma vyakulitula. Ikiye kupwa wakulimanyina. Ikiye kupwa nakutala omu ikiye apwile wamunene. Kaha jino ikiye esekele kumbata chihela cha mukakunangula. Kaha Kalunga amuvetele ikiye na mbumba, kaha ikiye afwile mukalepa. Talenu? Etu katwazangile kupwa helu, mumichima yetu.

131 Kaha lwola lumwe, omwo etu natumona vikungulwilo vyetu kufukila, etu kuputuka kuhanjika, “Etu twapwa lizavu lyalinene. Etu twapwa lizavu lya Chipendekosita lyalinene lili. Etu tukwechi kuhambakana vosena.” Mokokoko, “Ove kaweshi kuhasa kuya Mwilu kuvangila ove wapandama kulizavu lyetu,” mokokoko chumachimwe. Omwo enu namupwa mujila kana, enu mwalihandununa enu vavene kufuma mu Lizu lya Mwata. Chakwoloka. Anuka, lize lipayi lili lyakutamo kuzundula ndumbu walunga. Echi chili vene chakwoloka. Mbatenu ikiye nakwingila.

132 Mamalelo, omu etu twatondo, lelo, kusanyika kukinduluka ku Lizu lya Mwata. Tala, lelo. Kaha lifuchi lyetu linatondeka kusanyika.

133 Kuya nakuhanjika, maufuku amwe, kachi Nanguhasa, Ngwatondo. . .Ngukwechi kwinyika. Ngwatela kuvandamina palanga Ngukwechi vakakunangula vosena hamwe. Yaah. Ngwatondo kwinyika kuli chino chisemunuino cha Manyinga a Yesu Kulishitu, na kwinjikiza echi kuli enu. Talenu? Jino, Ngunahase kupwa, kumwe kulinga ngachize. Oloze etu natuya, etu twamono kachi etu natupwa na kulya chachimene chimwe, kupwa kaha vakakuzata. Kaha Ngwa—Ngwatondo, Mwata kungukafwa yami, kusolola vene okwo etu tuli—okwo tuli nakuya, mujila yakuhenga. Etu twatela kukinduluka. Kakweshi jila yekako shina kukinduluka. Chakwoloka.

134 Tala ha lifuchi lyetu lelo. Tala ika etu tuli nakweseka kulinga, chuma chivene chize chasolokele muchisemunuino cha milima, kulinunga na liuka na kupwa hamwe.

135 Tala ha kulinunga, mokokoko, eyi—eyi Kasulu ya Kaye ya Mauka, mauka osena kuya nakwingila mu Kasulu ya Mauka amu Kaye, kaha vakiko kushinganyeka echi kupwa waninesi cha Kalunga, mwomwo, mauka osena, United Brethren, malunga vaku chikuku kuya nakwingila muchikungulwilo chimwe chachinene, chize mwomwo ya kuhona kutachikiza eli Lizu lya Kalunga. Uze kapolofweto ahanjikile nge chuma nachiya nakusoloka, “Vakiko vatungile chifwanyisa chauze chisuma, kaha nachiya nakupwa na ngolo ja kuhanjika.”

136 Mamalelo, ove unashinganyeka nge Amos nahase kwimana mukamenga ufukuuno hano, kachi ikiye apwilenga mu Phoenix, kaha kuhona kulila ha chuma kana? Echi kacheshi kuhasa kupwa nge ikiye mwaya nakufumbukila etu, va ndumbwami, oloze ikiye mwaya nakupwa wakufumbukila eyi zachiso nge kutufumisa kufuma mu Lizu. Chize nachiya nakupwa omwo ikiye mwaya nakulinga. “Nachipwa ngachilihi vaze malunga kutambuka hamwe?” Eyi Mbimbiliya yahanjika hano, muno, Amos. Uze Mwata ambile ngwenyi, “Valweke vathu, ‘Vavali navatambuka hamwe ngachilihi, chakuzeneka vakiko vanalivwasana?’”

¹³⁷ Jino, omu etu natuya nakumbata mazavu a Chipendekosita na kuya nakwingila mu Kasulu ya Mauka a Kaye, omwo chimbwa chavo muze, kuhambakana chimbwa, eyite faifi mokomoko nayite faifi peseti, numba kukana kusemuka chausanda? Vakiko kukana. Ngwashinganyeka, nayite nayini peseti yavakiko kukana, vakiko kukana kuka cha Ukalunga. Vakiko kukana jishimbi ja Mbimbiliya. Vakiko kukana kuhanjika na malimi. Shina lizavu lya Pendekosita kaha lyeji kumatanga chize. Kaha natuya ngachilihi nakulinunga etu vavene na vakiko mu waninesi? Natuya ngachilihi nakupwa umwe wavo? Natuya ngachilihi nakutambuka hamwe navakiko chakuzeneka kulivwasana na vakiko? Nauya ngachilihi nakulinga echi? Ove watela kukana kuzeneka kufwelela chachinene chize ove uli nacho, jishimbi ja Mbimbiliya, kutambuka navo.

¹³⁸ Nangumilweka, Kalunga kusanyika muthu hakapanji. Ikiye ali nakukusanyika ove, nge hakapanji, kutwama na Lizu Lyenyi na kutwama na Ikiye.

¹³⁹ Omu nahase Kalunga kutambuka na vakiko, omu jishimbi javo vavene, kutunnga kaye kavo kamangana, kukana Lizu Lyenyi? Omwo jishimbi jauthu kwitavila kunangula cha lizavu lya malunga, hamwe, na kukana Lizu kupwa ngocho, kahajino ove mufukununa Kalunga kuli ove. Kalunga apwa wakujila. Kaha Kalunga, eyi Mbimbiliya ngwayo, Ikiye eji kutala ha Lizu Lyenyi, kwinjikiza Echi. Kaha omu Ikiye kwinjikiza eli Lizu, omu Lizu kalyeshi kuze? Ou ukiko mulonga etu tuli na mamembala keshi vanako. Echi chili, etu tukwechi jishimbi jauthu. Kaha kalamuthu nahase . . .

¹⁴⁰ Aka kaye kutala hali muthu wamunene. Vakiko vali nakuzata hali . . . Vakiko vali nakutala ha chumachimwe chize chinahase kuvecha vakiko kukwachilila kulivuluka Vakakulishitu na kuyoya mukala jila vakiko vanatondo. Mapwevo kutonda kulinga nge Hollywood na kupwa hamwe nge vakiko vakwechi Shipilitu Wajila. Vaze vakakunangula veji kutonda kutunga liuka lyalinene na kulinga vyuma vyosena, kaha kupwa na vakakuzata muliuka vaze vanambate lwola lwaluvulu. Kaha—kaha vakiko vanahase kulinga vyuma *kana* na kuvwala ou uvwalo, vakiko kuchivuluka kupwa kukasunuka cha mapwevo.

¹⁴¹ Enu munashinganyeka Amos nahase kwimana kulu hali chize? Nduma. Mukikovene ikiye keshi kuhasako. Ove unashinganyeka nge Amos mwaya nakwimana kulu, na kuliwana na vakakuluka na ma mbishopu kuze, kaha kuhanjika, “Vandumbwami, Ngwashinganyeka enu munalingi chuma chachinene.”

¹⁴² Ikiye mwahanjika, “Enu lizavu lya vakashili! Enu vakakuhungumwisa! Enu vakakukana Lufwelelo!” Ikiye

mwahanjika chumachochimwe nge Mikaya ambile ngwenyi, lize likumbi shimbu kanda vaze fwo handulendi tupolofweto va chi Hepelewu.

¹⁴³ Vakiko vambile ngwavo, “Mu nambala, lizavu linapu, kaha haze hakiko hali kukingiwa.” Chinemanyina okwo ove unatondo kuhaka echi Chisoneka.

¹⁴⁴ Ngunahase kuhanjika, “Yuta ayile na kulisukika lyavene; kaha ove yako nakulinga chuma chochimwe.” Echi kacheshi kuhasa kuhaka kuzeko.

¹⁴⁵ Kaha echi kacheshi kuzachiwako, chize, “Mukachi ka mayongomena avakakukafwa mwatwama kukingiwa.” Eli liuka lya Katolika kupwa nacho kuli enu jino.

¹⁴⁶ Mu Lizu lya Kalunga muze muli kukingiwa. Eyi Mbimbiliya yahanjika ngwayo, “Eli Lijina lya Mwata lyapwa kaposhi wamunene. Vakakwoloka kulaha nakwingila muli echi kaha vali wakukingiwa.” Kaha chikiko kaha chihela chakukingiwa Ngunatachikiza. Vaze tupolofweto lwola lwosena vafwelela chize. Omwo Apalahama afwile, omwo. . . Omwo Yopa afwile, ikiye ahakile lyavene mu lifuchi lya lushiko, chimbumbembe chenye.

¹⁴⁷ Omwo Apalahama afwile, ikiye alanjile chivwasano cha lifuchi ha chihela chochimwe, na Yopa. Chuma muka ikiye alingile? Ikiye atalile uze kapolofweto. Ikiye atachikijile nge apwile muthu wa Kalunga, kaha ikiye ngwenyi, “Ngunatachikiza Mukakungusokola ayoya, kaha kumakumbi akumakumishilo Ikiye mwakaya nakwimana hano hamavu. Chipwethuhu hanyima ya jindulo kwenyeka chikova cha mujimba, oloze mumujimba wami wanyama Nanguya nakumona Kalunga.” Yaah. Kaha Apalahama atachikijile chize. Ikiye amufunjile Sala kuze. Ikiye anehele lizavu lya lifuchi, kaha kufunda. . . Ikiye, lyavene, apwilenga wakufunda kuze.

¹⁴⁸ Yisaka, omwo ikiye afwile, ikiye vamufumishilemo. Isaka asemene Yakova.

¹⁴⁹ Kaha Yakova afwile muze mu Ejipitu. Oloze shimbu kanda ikiye afwenga, ikiye asanyikile kapolofweto kenye, Yosefwa. Kaha ikiye atachikijile nge ikiye apwile kapolofweto, muthu wa mushipilitu, kulumbununa vilota, kaha amwene vimweno, vyapwile vya kukupuka lwola lwosena. Ikiye ambile ngwenyi, “Twaya kuno, Yosefwa, kapolofweto kami. Haka livoko lyove mutungi ya Kalunga waundume kwata myaka yami yakunyima, kaha kwalumuna lijina lyami kufuma mu ‘mukakulombaya’ kuli ‘mwangana na Kalunga.’ Haka mavoko enu hano na kutukuchila hali chize Kalunga nge ove kaweshi kungufunda hano mu Ejipitu.” Mwomwoika? Mwomwoika? Chihandwa muka chalingikile?

¹⁵⁰ Muze mukiko vali nakuhanjika na lelo, “Chihandwa muka nachipwaho?” Etu natuya nakumbata lizavu lya vathu, kuvalingisa vakiko kulinunga na liuka, na mujijila. Enu lwola

lumwe mweji kumulingisa ikiye kupwa mwana hetese kapapa kavali kuhambakana ikiye apwile mujila. Echi chakwoloka. Kuneha chihandwa.

¹⁵¹ Yosefwa, omwo ikiye afwile, ikiye ahanjikile, “Likumbi limwe Mwata Kalunga mwaya nakukutambukila.” Ikiye apwilenga kapolofweto. Ikiye ngwenyi, “Ou Mwata Kalunga mwaya nakukutambukila. Kaha kanda kuseza vifuwa vyami munoko, oloze kuvambata vakiko muze mulifuchi lya lushiko.” Mwomwoika? Ikiye atachikijile nge Mihako yatete ya kusanguka navakaya nakulovoka mulifuchi lya lushiko. Echi chili vene chakwoloka.

¹⁵² Yesu, omwo Ikiye afwile, na kusanguka ha chimene cha Paseka, eyi Mbimbiliya yahanjika ngwayo, nge, “Vavavulu vakakujila vaze vanasavala tulo mulukungu mumavu, kaha kulovoka kufuma muviko na kulisolola kuli vavavulu.” Hiya ou? Apalahama, Yisaka, Yakova, Yosefwa. Mwomwoika? Vakiko vapwile muchihela chakwoloka.

¹⁵³ Ou ukiko mulonga Nanguhanjika echi kuneha chihandwa. Enu kamweshi kuhasa kungufunda hano mu Mesondisiti, Mbaputishiti, mokomoko liuka likwavo. Ngufunda muli Yesu, “Mwomwo vaze vali muli Kulishitu navaya Kalunga kuneha na Ikiye omwo Ikiye mwakeza.” Kaha chanehele chihandwa. Punduvene, mukiko chalingile.

Kanda kwecha muthuumwe kumilweka, “Mwomwo enu kulinunga na liuka.”

¹⁵⁴ Amos kahashile kwimana kulu hali chizeko. Ikiye mwaya nakuhanjika, “Uze vene Kalunga ove uli nakuhanjika nge ove unazachila . . .”

¹⁵⁵ Nanguhanjika echi mu Lijina lya Mwata: Uze vene Kalunga uze lino lifuchi lyatela kwimana mwakaya nakuyenyeka eli lifuchi. Ikiye mwaya nakwenyeka mauka. Uze Kalunga wa Mwilu mwaya nakutuma ndombo Yenyi ha kusopesa na kwenyeka awa mauka, vavuluka kupwa mauka. Anuka, enu mbatenu lizu lyami.

¹⁵⁶ Kakweshi muthu umwe nahase kulinunga na Liuka. Enu mulinunge na zuvo yavangeji. Enu kamweshi kulinunga na Liuka ko, enu mwasemuka mu Liuka. Talenu? Enu mweji kulinunga na jizuvo mwakusavala java Mesondisiti, na jizuvo jakusavala java Mbaputishiti, na jizuvo jakusavala java Katolika, na jizuvo jakusavala java Pendekosita. Oloze ove unasemuka mu Liuka lya Kalunga wakuyoya; kaha omu mukiko Ikiye ali nakwiza, lize Liuka. Shikaho, etu kupwa na jizuvo jakusavala, keshi Maukako. Kalachuma chinahase kukunguluka muze mwakulamina vangeji, vakakulyonga na vyuma vimwe nawa. Oloze Nanguya nakumilweka kutachikiza echi hano vene, kutesekesa na Lizu, kakweshi umwe mukakulyonga mu

Liuka lya Kalunga wakuyoya. Kakweshi chuma chimwe Muze vakakujila.

¹⁵⁷ Jino, uze membala nahase kukumbata ove. Kaha ove kushinganyeka—ove mwashinganyeka Amos kahashile kutotoka chizeko? Ikiye mwaya nakunyikisa chize chuma ku chikuku. Ikiye punduvene mwaya.

¹⁵⁸ Tala. Omwo Isalele apwilenga mujila yakuya, kulifuchi lya lushiko, vakutwaminyina kuli Shipilitu Wajila, ize Panda ya mulangi wa Kakahya yapwilenga kumeso avo, Lilolwa lya kuveta kuvakavangiza vakiko.

¹⁵⁹ Kaha kwejile Mowave, uze apwilenga ndumbu walunga. Anuka, ikiye apwilenga chihanda cha Isalele, nawa. Ikiye apwilenga chihanda, kufuma mu chisemwa cha Vayuleya, mwomwo apwile mwana Lote na mwanenyi wapwevo. Echi chanehele Mowave.

¹⁶⁰ Kaha tala hali Mbalamu, uze kapilishitu, ejile nakulovoka kuze na kutunga kamenga, kuhana milambu yoyimwe, kupwa chikuku nge ikiye ahashile kupwa. Talenu? Kaha ikiye apwile wakuwahilila na ikiye. Ikiye apwilenga na mwangana. Ikiye apwilenga na malunga vavanene, vamyangana kaha vakuheuka, kwimana na ikiye.

¹⁶¹ Oloze kwapwile Umwe atwamine na Mose uze ikiye kamwene. Uze ikiye Hiya emanyine na Amos. Ou ikiye Uze mwaya nakwimana na muthu wosena ali hano, ufukuuno, uze mwaya nakwimana hali Kalunga na kwoloka. Chipwethuhu vangahi vavalemu, vamyangana kuze, keshi na chumachimwe kulinga na chize. Vakiko kaveshi kuhasa kupwa vakuhasa kwangula chuma muka Kalunga nakisula. Mwomwoika? Eyi yinapu Mbuto yakuyoya. Eli linapu Lizu lya Kalunga. Naliya nakukula Chacho kukupuka. Mamalelo, vinjikizo vya Kalunga wakuyoya muze muchilombo! Chize, kusoloka nge Isalele alingile chakuhenga kuze. Oloze vakiko vahonene kumona lize Lilolwa lya kuveta, kaha chize Kutomesa hakupwa va Isalele. Kaha kuze kwapwilenga kutambakana cha Mwangana muchilombo. Kalunga apwile navo. Mwomwoika? Ikiye apwilenga mukakuka vakakuviza, kaha kulinga vikomwesa vyavinene, kaha vinjikizo na vikomwesa, kaha Panda ya mulangi wa Kakahya kusukama hali vakiko. Mose apwilenga nakukavangiza Panda ya mulangi wa Kakahya. Vaze vana va Isalele vapwilenga nakukavangiza Mose. Kaha vakiko vapwilenga mujila yakuya kulifuchi lya lushiko, kaha kuze kakweshi chuma nachiya nakwimika vakiko. Amena.

¹⁶² Mamalelo, echi kacheshi kuhasa kupwa chachashiko kukinduluka lelo, kachi Kalunga nahase kupwa na muthuumwe mulivoko Lyenyi, mukutetekela Chenyi? Ize Panda ya mulangi wa Kakahya hanga ili nakuyoya. Ikiye hanga yomwe zau, lelo, na hayamyaka. Eli Lizu hanga lyayoyela.

163 Kalunga, atutumine Amos uze . . . uze mwaya nakwimana ha Muchano na chakwoloka, kunyikisa vyuma kana.

164 Enu ngwenu, “Echa etu . . . Muyachi wa kusoloka muka enu mwashinganyeka nge mwaya nakupwa nacho?”

165 Chamwaza, ikiye mwaya nakupwa na vyuma vyakusoloka, palanga ikiye mwaya nakusanyika vosena vaze Kalunga atongwele kupwa vakusanyika. Uze ikiye mwaya nakupwa. “Vosena Tata nanguhane Yami navaya nakwiza.” Eyo.

166 Mikaya apwile kumeso a Ahave, kaha Ahave ajinjile ikiye. Lizavu lyosena lya vakakuzata lyapwile lyakumufumbukila ikiye. Kaha vakiko vosena vapwile vakuhwimina, nawa, oloze kuhwimina chavo kachafwikile na Lizu ko. Ngwashingtonanyeka, pamo, Amos kuveta muchuma chochimwe.

167 Omwo vaze tupilishitu vatambukile nakuya mujila, ngwavo, “Jino, vandamina munyutu kaha! Chumamuka—chumamuka . . .? Ngulwekese kulema chove. Shikola muka ove wafuma? Muyachi uka wafuma? Ove unapu . . .? Hiya akulingishile ove kupwa kapilishitu?”

Ikiye ngwenyi, “Kalunga angulingishile yami kupwa umwe.”

“Shikola muka ove wafuma?”

168 “Yehova Kalunga. Nguli na MUKIKO MWANAMBE MWATA.” Vakiko navaya nakumwivwulila ikiye? Punduvene chiku. Vakiko kavatondele kwivwa uze mukweze ko. Punduvene chiku. Vakiko kavatondele . . .

169 Kaha, ohonyi, vaze malunga vanahase kuhanjika ngwavo, “Yami nguli wakuhwimina. Chamwaza, Ngwapandama ku liuka lyalinene lya va Fwaliseu hano. Tala omu Kalunga natukisula etu. Etu kuhaka tumenga vaulu. Etu kutunga jitembele. Etu kulinga vyuma vyosena. Kaha, mamalelo, wana waumishonali unapu waunene kuhambakana mauka osena kuhita mwosena mu Yuleya. Chamwaza, etu tweji kulinganga vyuma vyosena evi hano. Vathu jetu vapwa vakakufweta chamulikumi, kaha vyosena vize.” Oloze Mikaya mokomoko . . .

170 Amos emanyine kuze na kuhanjika ngwenyi, “Uze Kalunga enu mweji kuvulukanga nge enu kuzachila mwakaya nakukwenyeka.” Kaha chasolokele mujila kana.

171 Jino, Kangweshi nakupaisa kwala cha mishonaliko. Kangweshi nakupaisa mauka amanene. Oloze, ukalu uliho uli, vathu veji kumbata meso avo hali chize, kaha ha . . . kufuma mu Lizu. Kaha, makumishilo, echi nachikutwaminyina ove nakukufumisa muchuma kana, kaha ove muwana ove lyavene hakachi. Twaya kinduluka ku Lizu. Kanda kufuma kuli Echiko. Mamalelo, omu etu twatondo kulila, kufuma mupambo lelo. Punduvene unapu muchano jino. Punduvene.

172 Milonga vyeka, milonga vyavathu. Vakiko vatondele mulonga. Chize chinapu chuma chatete ove ukwechi . . . Chize

chikiko chajimbalisa kulikata cha muthu, chili omu Satana kuneha kwala mulonga kufumbukila eli Lizu kupwa ngocho. Kaha chivumo kupwa chakulimanyina.

173 Echa tumbate kaha Satana, chuma ikiye nahase kuhanjika kuli Eva, omwo Kalunga eji kuvakokanga mu Lizu Lyenyi.

174 Chize chikiko kaha chuma Kalunga ahana kuli vathu Jenyi kuvajilika kufuma kuli va kakole, apwile Lizu. Ikiye kanda atuhane jishimbi jauthuko. Ikiye kanda lyehi atuhane chumachimwe oloze Lizu Lyenyi. Mukiko kaha. Kaha Kalunga apwa wakuzeneka maputukilo na makumishilo, wakuzeneka kwalumuka. Ikiye keshi kuhasa kwalumunako. Kwala Chenyi chatete chili chakukupuka. Ikiye kanda lyehi apwenga wakukashiwa.

175 Kusakula chenyi chatete, omwo muthu avulumwine na kuzauka chize kulipika chachinene mukachi ka ikiye na Kalunga, kuseza lyavene jila yakukinduluka, Kalunga, wakuzala na keke na likoji, kwitavila kushishisamo. Kuvangila Kalunga uze wakuzala na keke na likoji nahase kulinga chuma kana nge ngachize. Ikiye etavilile kushishisa, kaha chize kushishisa manyinga. Chize chikiko kaha chihela chize muthu nahase kwiza mukulikata na Kalunga cheka, chili mwishi ya manyinga. Kaha echi chinapunga kala lwola luze muthu nahase kulikata na Kalunga, kuvangila na manyinga. Kaha echi chinapu muchano, kuze ikiye kulikata na Kalunga.

176 Jino, Eva echa mukeleko. Eva aputukile mulonga. Satana ahanjikile ngana, “Jino, ove uli...Ove kawatachikiza nge. Ove kaweshi na shikola ko. Yami ngulinakuhanjika kufuma kushikola hano.” Wenyi ivene. “Kaha, Nangumilweka, etu tunalinangula vyuma vimwe kuze. Etu twalinangwile nge Kalunga ali wamwaza! Etu twalinangwile ku shikola yetu nge Kalunga ali wamwaza! Ikiye keshi kushinganyeka enu kulinga vyosena Ikiye asonekele kuze. Ikiye keshi nakushinganyeka chizeko.”

“Yaah, oloze,” ikiye ngwenyi, “Mwata Kalunga ngwenyi.”

177 Jino, ikiye kachi atangile mukakunangula wamwaza, kachi ikiye atwamine hali Chize. Ou ukiko mulonga ikiye ali wakupaishiwa kupwa umwe lelo. Talenu? Mulame kufuma kuli chize. Chumamuka Amos mwahanjika hali chize? Ngunafwila Nanguya na kwivwa ikiye ha minyutu yitanu, kaha kukopa mujimbu wenyi. Nanguya nakuhaka echi ha tepu, echa kaye kosena kwivwa echi. Huu-hu. Kahajino Ngunahase kulama kuunda hali echi, kufuma haze. Talisenu. Eyo, mwane, ikiye mwaya nakupaisa echi.

178 Kaha tachikizenu omwo ikiye ahanjikile. Jino, Satana ngwenyi...Jino, ikiye kahashile kulinga chizeko na Eva, munatachikiza...

¹⁷⁹ Ikiye kahashile kulinga chizeko na Alama, oloze ikiye alingile na Eva. Shikaho ikiye ahanjikile kuli Eva, jino, “Jino munatachikiza *echi*.” Ikiye ambile ngwenyi, “Munatachikiza, punduvene Kalunga apwa wamwaza chikuma kukukolesa ove. Kalunga. . .Ove punduvene kaweshi kufwako. Munatachikiza Ikiye apwa Kalunga wamwaza.”

¹⁸⁰ Etu tunevu chikuma chize lelo. Ikiye apwa Kalunga wamwaza. Oloze, mangana apwenga wamwaza, Ikiye atela kupwa wakwoloka, nawa. Chize chikiko chamulingisa Ikiye kupwa wamwaza. Ikiye keshi nge kusanyisa ko. Ikiye napu Kalunga.

¹⁸¹ Kaha jino, “Kalunga ali wamwaza kulinga chize kuli enu.” Kaha ikiye aputukile, ambile ngwenyi, “Mwomwoika, enu namuya nakupwa vakamangana. Enu namuya nakupwa na kutanga. Enu namuya nakupwa wautongwe na vakamangana. Enu namuya—enu namuya nakutachikiza vyuma vize enu munahono kutachikiza jino.” Talenu?

¹⁸² Ikiye atelele kutachikiza chuma chimwe, lize lyapwilenga eli Lizu. Etu katwatela kupwa na Bachelor of Art, kaha Ph.D., na LL.D., kaha vyuma vyosena evi. Tachikiza kaha Lizu lya Kalunga. Mwana wamwashi, uze nahase kutanga, nahase kutachikiza, kutachikiza.

¹⁸³ Oloze, mulonga, kaha chumamuka vakiko valingile? Chuma muka vakiko vengililemo? Haze vene vakiko vahokwele. Kaha Satana atachikijile nge ikiye afungulwile muyachi wa muthu haze vene. Kaha haze hakiko ikiye avahonesele kufuma haze.

¹⁸⁴ Ou ukiko mulonga Amos ejile. Mwomwo, puho na vishinganyeka vya puho, kaha chamwaza, kolokoko wamunene mokomoko mwangana, kaha anehele kufukila. Vathu navaya nakulanjisa viyoyelo vyavo ha makunde, nge Esau. Kangweshi nakweseka kumikolesa, oloze Nguli nakweseka kulingisa muchano.

¹⁸⁵ Enu va Democrats mwalanjisa utwatwa wove keshi kunyima chikumako. Echi chakwoloka. Kaha Yami kangweshi Republican. Yami ngu Mukakulishitu. Oloze, ndumbu walunga, chuma kana chasonyi! Kaha atela kumbata likina lya kutangisa nge ngachize. Oloze muze mukiko America atondele. Vakiko kupwa nacho. Ikiye kakavulu kukuhana ove chuma ove unatondo.

¹⁸⁶ Kalunga, nguhane Lizu Lyove. Omu mukiko Ngwatondo. “Echa ngusweke Lizu Lyove mumuchima wami, Mwata, nge Ngwavulumuna na Ove.”

¹⁸⁷ Mamalelo, mulonga ukwavo. Oloze, talenu, Amos kahashile kushinganyeka, mwomwo ikiye apwilenga kapolofweto. Eli Lizu lyejile kuli ikiye. Nduma.

188 Chochimwe nge Lizu lelo, enu mwatela kulumbununa Echi, echa Shipilitu Wajila kulumbununa Echi ha kwinjikiza Echi muchiyoyelo chove.

189 Muze mukiko ahanjikile, chuma, munatachikiza, Yelemiya ngwenyi kuli uze—uze kapolofweto Hananyiya. Ikiye ambile ngwenyi, “Omwo uze kapolofweto mwahanjika, kaha chuma ikiye ahanjikile kusoloka, kahajino tupolofweto vatachikijile nge ikiye apwile wakwoloka.”

190 Kachi Amos apwile hano, chuma muka ove mushinganyeka ikiye mwaya nakulinga? Ikiye mwaya—ikiye kutwama na Lizu. Omu mukiko ikiye mwaya nakulinga. Munatachikiza chumamuka? Ikiye mwaya nakutulweka etu vanatunangula kufuma mu chikuku cha Lizu lya Kalunga lyatete. Ikiye mwaya nakutulweka etu tuli kwakusuku kufuma ku Liuka lya pendekosita. Omu mukiko ikiye mwaya nakutulweka etu va Pendekosita. Kuhanjika, “Jino, vakiko vapwile na myaka fifite yakusemuka yakupwa ove lyavene mu ngiya, kaha enu kanda lyehi mwizenga.” Mamalelo, chumamuka ikiye ahanjikile kuli utu wa chikungulwilo? Chamwaza, mamalelo, kachi ikiye mwahona kuhana chize, kachi ikiye keshi kuhasa kupula mauka, ha unyengwe wavo, ha kwitavila jishimbi jauthu, kulinunga na liuka kachi kusemuka muli echi!

191 Chamwaza, kachi ove unasemuka muli echi, ndumbu walunga, ndumbu wapwevo, ove kulinga mwakuhandunuka. Ove—ove twama na Lizu. Kachi Shipilitu Wajila ali muli enu, Echi chili kaha nakwalisa hali eli Lizu. Yesu ambile ngwenyi, “Muthu keshi kayoyela ha mbolo kahako, oloze ha kala Lizu lyosena,” keshi chihanda cha Lizu ko, “oloze Lizu lyosena lize nalilovoka mukanwa ka Kalunga.”

192 Ikiye, kupwa kapolofweto, ikiye mwaya nakumona echi chuma muli etu. Cha . . . Amos apwile kapolofweto.

193 Jino Nanguya nakusoka, mu munyutu, oloze Ngwatondo kumbata evi mutondo kachi Nanguhasa. Nanguya nakuhanjika echi, kaha Shipilitu Wajila atela kuchilingisa echi kukakachila. Ngwatondo kumihula enu chuma chimwe.

194 Kachi Amos ejile hano ufukuuno na kwimana hakamenga, kachi ikiye atambukile helu na hamavu mujila ya Phoenix, ikiye mwaya nakumona muli etu lelo, mu vilinga vya lifuchi lyetu, mu liuka lyetu, ikiye mwaya nakumona chuma chivene chize ikiye amwene mu Samaliya: hana vyosena mwausunda, kufuma mu Lizu lya Kalunga. Ikiye mwaya nakumona lizavu lya vakakulifukula. Vakiko vapwile, vosena, va Isalele. Oloze ikiye mwaya nakumona chize—chize chaunyengwe, kulyenyeka. Ikiye mwaya nakumona—ikiye mwaya nakumona kulyenyeka na kulyenyeka mukachi kavathu. Ikiye mwaya nakumona kupola mukachi, lifuchi. Ikiye mwaya nakumona kupola kufuma mu Lizu. Ikiye mwaya nakumona ujila muliuka. Kangweshi

nakulumbununa nge...Yaah, vosena vavali; mujimba, kaha ikiye mwaya nakumona ujila wamushipilitu. Omu vakiko navaya nakumbata jishimbi ja muthu hano, nge jishimbi jauthu, kaha kwitavila vakiko kachi Lizu ko, echi chili nakulinga ujila wamushipilitu hali Kalunga. Kusoloka 17 ahanjika ngocho, nge vakiko, uze lihule wamunene, alingile shili, mwomwo, “Na unyengwe wenyi ikiye atungile mavu kunwa vinyo ya ndombo yenyi.” Eyo. Etu twamono nachiya nakupwa hamwe chakuhandunuka. Ikiye mwaya nakumona echi, kupola.

¹⁹⁵ Amos kahanyine mulonga fulumendeko, chipwe. Ivwulilenu. Amos kahanyine mulonga fulumendeko, Chisoneka chenyi chosena. Oloze ikiye ahanyine vathu ha kusakula fulumende kana. Mamalelo, Ngunahase . . .

¹⁹⁶ Ove unazeye? [Chikungulwilo ngwacho, “Nduma.”—Muka.] Chamwaza, kwachilila munyutu kaha. Talenu?

¹⁹⁷ Kanda kuhana mulonga fulumende yove. Eyi fulumende kayeshi kuhasa kutunga zuvo ha lilolwa lize vathu navavotela uze usekeseke. Vaze vathu vanatondo echi.

¹⁹⁸ Kaha lwola lwaluvulu Nanguhanjika vyuma mukamenga, omwo Ngunatachikiza vandumbwami vanatwame kuze, vakakuzata, malunga vamwaza. Nguli nakuhanjika kuli vakiko, kuvatwala mumbango. Kaha unapu mulimo wami, kutachikiza vyuma evi, kwambulula vandumbwami. Kaha Nguli nakuhanjika kuli vakiko. Vakiko ngwavo, “Ndumbu walunga Branham, etu tunatachikiza nge ove uli wakwoloka, chize liuka lyami naliya nakutambuka.” Talenu? Talenu? Echi chikiko enu munatondo. [Hatepu hapimbi—Muka.] Talenu? Enu kamweshi kuhasako. Ava vanapu vathu.

¹⁹⁹ Jino, kachi enu munashinganyeka Ngunahase kuputuka zuvo hano mujila na kulanjisa, mapwevo vakalemesa lelo, jize jifwashoni jamwaka, helu hakasongwa, mihya ya sapato? Vakiko kakavulu kupwa na chilambu muli ikiko kuhambakana—kuhambakana zuvo yakulama yosena yakuzala na lelo, muyachi umwe. Oloze kachi Nangulanjisa ha fifite ngwee, Nanguya nakufwa. Mwomwoika? Enu kamwatondeleko.

²⁰⁰ Kachi Ngunalanjisa vashoni yamwaka, Mama vikovelo cha Hubbard kuli mapwevo lelo, ove kushinganyeka vakiko kuvilanda vakiko? Punduvene keshiko. Vakiko vatondele chumachimwe chize vakiko vanahase kuhingununa vavene, chize chinasoloka nge chikova chili hali chikiko. Vakiko—vakiko vatondele kupwa vakulikwata. Kutambuka nakushikumuka mujila, pamo fwo mokomoko faifi ndingili yakuhandunuka, kushinjika nakwingisa, kushinjika nakulovola, kaha kupwa na vikapa vivali, mitwe yacho kuveta nakulovoka. Echi chili, Kangweshi nakutwala nge useseko. Echi kacheshi chihela chauseseko. Oloze ou unapu muchano. Kangweshi na shikola ya mwazako. Ize ikiko kaha jila Ngunahase kulingisa lizu lyami,

kutachikiza, munatachikiza chuma muka Nguli nakuhanjikaho. Talenu? Jino, unapu muchano. Vakiko kavahashile kulanda jikanji.

²⁰¹ Ufuku ukwavo kuze kukamenga, pwevo wamundende waka Indian ejile kuze. Ngwatondele kulimeneka livoko lyenyi lyalindende. Kuze ku liuka lya Ndumbu walunga Groomer, mokomoko kala kwosena. Ikiye apwile na kuvwala nge omu mama omu avwalilenga. Ngwashinganyekele, “Chamwaza, kisula muchima wove, pwevo wakalemesa.” Kaha Mwata amuhindwile kuze, shimbu kanda ikiye apwenga na yami. Ikiye. . . Talenu? Ngwashinganyekele, “Ngwa—Ngwa—Ngwatela kutwalilaho.” Talenu? “Vandamina kaha palanga luze lwola kwiza, lwolalumwe.” Talenu? Kaha kuze mukiko chapwile.

²⁰² Chamwaza, enu kamweshi kuhasa kulanjisa jize jindeleji. Enu munahase kulanjisa kuli vaka India, kaha keshi vavavuluko. Vakiko kupwa kaha pamo kukasununa nge vosena muli vakiko. Ove kupwa nawa na kwala cha chisaji chamivwimbimbi. Kaha vana vove kulovoka, kaha vamwe vaze vakutona, kutoma, milongeshi vashikola kwiza nakwingila, kaha vyeka vyakuzeneka mangana. Ove wakutela kupwa, ove wapwile kunyima kulovoka kuya nge nge Sitting Bull kaha vakiko mukiko vapwilenga, lwola lwakunyima.

²⁰³ Mu Africa, omwo etu twapwanga na muyachi wa mulatu kuze, vakiko valingile ika? Yako kuze, vaze mamishonali, vali nakutanga, kusoneka, na makumi. Omwo ikiye. . . Mwomwoika, vakiko, vakiko vanatachikiza chikuma ha ujila, mumiyachi yavo, kuhambakana ove, Ukulishitu unahase kuneha kuli vakiko. Echi chakwoloka. Kachi kaha mapwevo kuweluka kuze, kachi ikiye napu muyachi wachi Zulu, kachi ikiye kuvandamina kupwa muyachi wachisemunuino kupwa wakumbata, kaha keshiko, mthuumwe keshi kumbata ikiye hali pwevo, ikiye atela kulovoka nakuya. Ikiye keshi cheka miyachiko. Nduma, mwane. Kaha omwo ikiye ambachile, ikiye esekele kupwa sanda. Kaha kachi ikiye navamuwana namulonga, ikiye atela kulweka muthu nge chinalingika, kaha vakiko vosena vavali vafwile, hamwe.

²⁰⁴ Kupwa nakujiha chikuma kuno kachi etu twapwanga na chuma kana. Kaweshi na kushinganyeka? Chize chakwoloka. Vakiko kavapwile navakakulama vakutamo vatela kufunda vaze malunga na mapwevo. Punduvane. “Oloze enu muli vakufwa, kalamwosena, kaha munahono kutachikiza.” Shikaho ou ukiko ukalu wa echi. Talenu? Oloze jino, chikuma, echi chakwoloka.

²⁰⁵ Kahajino chumamuka ove mulinga? Vakiko kuvambata vakiko kuze na kunangula shikola. Jino ove muliwana vakiko mujila. Vakiko vakwechi jishili javo, chuma vakiko vapwilenga nacho; kaha kwiza nakwingila, kumbata jishili jitoma; kaha jino vakiko vali kapapa likumi kuhambakana mwana wa hetese

kuhambakana omu vakiko vapwilenga hakuputuka. Chuma chimwe kaha vakiko vanatondo shina Kulishitu kutwama kuze vakiko vali. Chakwoloka.

²⁰⁶ Omu mukiko mujila na ava va America. Kalamuthu Uze ali nakwivwa keke, muli lino lifuchi, napu ka Indian. Punduvene chatela kupwa chuma chachipi! Kangweshi. . . Nguli kaha muthu umwe, oloze Nguli hali vakiko. Eyo, mwane. Kachi Mwata mwangusanyika yami kufuma mumande akuzata echi, omu Mujimbu wami unahichi, Ikiye echele yami kuyoya nakushimbula, Yami nanguya kuli va Indians. Eyo, mwane. Eyo, mwane. Yami!

²⁰⁷ Etu twamono chuma Amos mwaya nakulinga omwo ikiye asanyikile. Zachiso yetu yosena nayiya nakuyipaisa. Punduvene keshiko. . .

²⁰⁸ Eyi fulumende kayeshi kuhasa kutunga (kuhanjika chami chili) halilolwa, nge lifuchi veji kuvyotela hausekeseke.

²⁰⁹ Nauya ngachilihi nakutunga liuka lyove ha Lilolwa? Kaha mukakunangula mwakaya ngachilihi nakwimana mukamenga na kunangula Lilolwa, kaha kutunga ha chikuku cha Mujimbu wamwaza, omu likungumbuwa, vamwe vathu jenyi kuze, vanahase kumuhaka ikiye? Jino, Ngwapaisa mukakunangula keshi kupwa na kuhamukako, kaha Shipilitu ya Kalunga, mwomwo soka kaha chikolo, kuhanjika, “Mbata muthu weka mwaya nakwimana nachize chuma kana keshi yamiko.” Ngwa—Ngwakumbwa uze mukakunangula uze mwaya nakulinga ngachize.

²¹⁰ Oloze mamalelo kuli chize chikungulwilo omwo muthu wakuwavisa wa Kalunga kweseka kuneha vakiko Lizu, kaha jino vakiko kaveshi kuhasa kupwa mumukana na Echiko. Echi chakwoloka. Mwaya ngachilihi nakupwa na liuka lize mawana naine kuzata muli chize, kaha na vyangocho, kaha jino, vakiko kaha chize, kaha lize liuka kaveshi numba—numba kuyoya mwakalemesa kaha muujila, kaveshi kuhasa kulinangula AEIOU Mujimbu wamwaza? Jino kuhanjika, “Kachi Ngwapwanga na mukakunangula wamwaza!” Mwomwoika, chinapu mulonga wove. Echi chakwoloka.

²¹¹ Ou unapu mulonga wa lifuchi lyetu, va America, nge etu kwiza hano ha kukasunuka cha kulifukula. Kufuma haze? Kaha etu kuya mukwoloka hanyima, kaha kuhaka mukachi kalifuchi muze vene kwiza hano kupwa vakukasunuka.

²¹² Lino lifuchi linapu lyosena nge Isalele. Vakiko, Isalele, kwiza mu Palachise, kufumisa milimo na kumbata lifuchi. Chatete, vakiko vapwile na vamwe vamwaza—vamwaza, malunga hali vakiko. Vakiko vapwile na Ndavichi, kaha Solomone, kaha malunga vavanene. Makumishilo, hanyima chindende, vakiko vatwalileho, na kushinjika nakwingila, na kusakula, palanga vakiko vapwile na Ahave kuze, uze ambachile wakuzeneka

kutachikiza kalunga. Jino, Ahave apwile mukweze wamwaza. Ikiye . . . Mamalelo, ikiye—ikiye atondele kulinga mwakwoloka, oloze ikiye kahashile kulinga mwakwolokako, hali uze pwevo wa ikiye.

213 Jino, Kangweshi nachuma chimweko hali uze muthu uze Ngwapwile na kuhanjika ha minyutu yayindende hanyima. Ikiye nahase kupwa muthu wamwaza. Oloze yinapu zachiso ya lihule kunyima yenyi, ize ili nakuchongonona shingo yenyi. Chize chikiko chuma chili nakuya nakulinga echi. Twaya nakwingila nge chachashi nge omu ahashile, nge ngachize, kaha kuneha chuma chosena hamavu.

214 Munatachikiza etu tuli—etu tuli jino . . . Mukuli wa lifuchi chili chachinene, palanga etu kufweta mali akukongola, kufuma kumitelo ize etu natuya nakupwa myaka fwoteni kufuma lelo. Chumamuka nachiya nakusoloka omu eyi zachiso kusoloka?

215 Mbila, punduvene, Ngunapu wakufumbukila ikiye. Ikiye apwa communist. Chakwoloka. Nguli nakole na ikiye. Oloze ikiye kulinga chuma chamwaza omu valumwine mali kaha kutuma ulu, kulanda kulinunga kaha kukindulwisa ulu.

216 Etu natuya nakulinga ngachize, mokomoko kuli chuma chimwe kumeso etu, echi chili, lize liuka lya Katolika kupwa na upite wa kaye. Ikiye akwechi mali. Ikiye akwechi ulu, kulanda wala wetu cheka. Mukiko vene. Kaha ove unashinganyeka vakakulanjisa wala, kaha vakakulanjisa makanya, kaha vathu vavanene vali lifuchi kaveshi kulajisako, kulama kujimbalisa kusekasana na kufwatula mali? Vakiko navaya nakukinduluka na kumbata mali kufuma mu liuka lya Katolika, kaha jino ikiye alanjishile. Chakwoloka. Kumana eyi Mbimbiliya kayahanjika chizeko, “Uze upite wa kaye”? Kangweshi ngukamilinguko, chipwe muthu wautongwe, oloze Ngwasakwilila Mwata Ngunamutachikiza Ikiye. Kaha chize chakwoloka. Kuze kukiko ikiye asavalile, haze vene. Enu talenu echi. Enu talisenu na kumona kachi echi kacheshi chakwolokako. Kupwa kaha . . . Ngunatalilila etu vosena kuyoya nakumona echi, kaha Ngunahono kushinganyeka etu natuya nakuyoya nakushimbula.

217 Oloze nauya ngachilihi nakulinga? Natuya ngachilihi nakutunga liuka? Natuya ngachilihi nakutunga lifuchi? Natuya ngachilihi nakutunga lifuchi hali echi jino? Ika etu natuya nakulinga hali echi?

218 Pamo Ngwatela kusoka, kuya kumwe. Oloze, munatachikiza, Ngunahanjika vyakutamo palanga enu munatachikiza chuma muka Nguli nakuhanjikaho. Talenu? Munatachikiza omwo Ngwatwale.

219 Tala chuma etu twatondo. Ove, mwamono chuma ove unatondo? Omu mukiko ove ukwechi. Echi chikiko kufwila chove.

220 Tala hakwala cha mivwimbimbi chaha chisaji chamivwimbimbi lelo, yakuzeneka kalemesa. Kupwa na, chapwile chakuhenga hali vana vetu, etu katweshi kuvechela vakiko kuya nakushikumuka mu—mu mbongi na kutala tupachiso, chize—chize chifwanyisa kusolwesa. Oloze jino liyavolo kukana chize nakujinguluka na—na kutunga chisaji cha mivwimbimbi, kaha kuchihaka muzuvo.

221 Kaha chize nachiya nakupwa chakwoloka, chisaji chamivwimbimbi chili chakwoloka, kachi enu mukwechi chuma chakwoloka. Punduvene, echi chili.

222 Oloze chumamuka ove mulinga? Echi chili nakupwa chakupola ha ola, kuzachisa lijina lya Kalunga, kulishinga, kushinga, mapwevo vauselesele, vilinga vyaujila, uze ulembe muwongo wavana, palanga etu kukatula lizavu lya vakuzeneka kalemesa, chize chakwoloka, vihwanga. Echi chinapu chakwoloka vene mumuchano. Enu munahase kutala hali chize.

223 Lifuchi lyetu lyosena kwalumuka kupwa mukuta wa vihwanga. Kala kanyike walunga kutambuka nakujinguluka na jiputula jajihi helu lyajitungi, kaha mutwe kusukama kunyima, kaha jikambu mbwembwele mujishingo nge Pwevo lya Kennedy kupwa mutwe wameya, kaha kuya nakujinguluka ngachize, nge vihwanga, kaha jino kuvuluka chize kupwa American? Ove unaholoka kufuma ku likoji. Alumuka chakupihilila nakwalumuka nakutala kuli Kalunga, mokomoko ove muya nakunonga. Ou ukiko mulonga, etu—etu twatondo kumbata muthuumwe muno uze mwaya nakwecha etu kulinga kalachuma etu twatondo. Echi chakwoloka.

224 Omu mukiko mujila nawa na mauka. Vakiko vanatondo kusakula muli kafunga, keshi nge kafunga uze mwaya nakwimana kuze na kuveta Mujimbu wamwaza kuli vakiko. Oloze vakiko kutonda muthu umwe uze mwechela vakiko vavene muze muvwalo wakusanyisa, kaha kuhema kunja, kaha kuyoya mujila vakiko vatondele, kwala cha chisaji chamivwimbi na chisaji chakuhona kutetekela, vyuma vimwe na majilo, kulinunga na liuka na kaye hamwe.

225 Shikangaho Amos atenukile ha vyuma kana. Enu munashinganyeka nge vathu navaya nakumutambula ikiye omwo vakiko kuvotela chuma chakwoloka?

226 Kachi kafunga mwanangula ha minyutu twende, kaha lizavu lya vakufwelela veji kumusanyika mukapete na kuhanjika, “Tala hano, kafunga. Etu—etu katwanehele hano kulinga chumachimwe nge ngachize. Etu tuli na minyutu twende ya kwala. Omwo echi nachihita, echa ikiye ayenga.”

227 Chuma ikiye natondo kulinga shina kumbila lize lizavu lya vakakufwelela muliuka kuze kuchikolo, kaha kumbata Mbimbiliya na kunangula ufuku wosena, nge Paulu alingile,

kaha kumona kusanguka cha vafu. Mukiko vene. Vakiko vamuhangile nakumufumisa muzuvo; haze halifumbila jila hali hakwoloka. “Kalunga ali wakutela kuli awa malolwa . . .”

²²⁸ Chisaji chamivwimbimbi, kuhona kuhana chifwanyisa kusolwesa, majilo, majilo, kaha kulingisa chakutalilaho. Tala hali vanyike jetu vavandende lelo. Tala hali vanyike vamaapwevo. Talenu vakweze vavandende kwiza kufuma mushikola, keshi ha myaka sikisi yakusemuka, seveni, eyiti, kutungulula makanya. Mwomwoika echi? Nevo kumeso avo vakiko pamo vanahase kuchilinga. Kachi vakiko kavahashile kulinga ngachizeko, jino vame vaze vanyike vakiko kulinunga nacho. Tala vanyike ove kuhema nacho. Hano vene. Hano heka . . .

²²⁹ Lwola lumwe kunyima okwo, pwevo lyai atachikiza echi, etu twapwile tunatwame kumesa. Kaha Yosefwa kami wamundende echa lizu lize lyanehele mukakunwa wala nasonyi hali lyavene. Ngwalumukile. Ngwambile ngwami, “Chuma muka chize?” Kaha mama azanga kulezumuka. Uze mukweze wamundende asolokele wakuzeneka mulonga.

²³⁰ Ikiye ambile ngwenyi, “Ukalu uli halihi, tata?” Kaha masoji amanene mumeso eyi.

²³¹ Ngwambile ngwami, “Kanda ove muhanjika chumachimwe nge ngachize.” Ikiye katachikijileko chumamuka chapwile hali chize. Kwiza nakuwana, nge vanyike vakashikola vapwile nakuzachisa lizu lya majilo. Ngwambile ngwami, “Uchi wami, uze ali liyavolo.”

²³² Talenu, yenu haze, vana venu. Echi chili nakupwa muchihela, ndumbu walunga, palanga chili kawa kulya kawa, muyachi kana washili. Mamaah, yami! Kwala cha chisanji chamivwimbimbi, vakakuzanga chiseke, vakakuzanga chiseke! Mamaah, yami!

²³³ “Minyutu twende kupwa yakutamo. Ngukwechi kumona kusolwesa chakukotokela.” Talenu? “Kuzangula kulovoka echi hano. Ngwatela kulinga echi.” Talenu? Vakiko vanalingi kulifukula chavo. Vakiko vayile kuze, kaha chize chili chakutambo.

²³⁴ Oloze, Nangumilweka, muthu wamwenemwene mokomoko pwevo uze nasemuka ku Shipilitu ya Kalunga mwaya nakuhaka ola hanyima ya ola, kunwa mu Lizu lya Kalunga. Keshi kaha chizeko, oloze omwo nauveta kuze, cheji kuholola na kwalumuna chiyoyelo. Amena. Eyo.

²³⁵ Echi chinapu kufwila cha vathu jetu. Kulivwasana chetu chosena kupwa chakupola kaha kulyenyeka. Chinapu vathu jetu vatondele.

²³⁶ Ove mbata muthu wamwaza, kuhanjika, nge muthu wamwaza, kumuhaka muchisaka lize linapu lizavu lya vakakuzanga chiseke, vakiko navaya nakutetekela uze muthu

kuyoya cha kawa; mokomoko, pwevo wamwaza, chipwe umwe, kuhaka vakiko mu chisaka chize chalifutula. Mwomwoika, chisaka chosena chatela kulihana kuli Kalunga. Ou unapu mulimo wetu kulomba, palanga vana vetu vanakulwili, lama zuvo yetu muchiyulo. Yaah.

²³⁷ Etu tuli chumachimwe nge Isalele alingile, chize chalingishile chivwasano na vakakole javo. Chatete, vakiko vatelele kufuma mu Lizu shimbu kanda vakiko valinge chize. Kaha kupwa nakuya nakusolwesa omu va America vali kwakusuku nakufuma ku Lizu.

²³⁸ Munatachikiza, enu—enu mwatela kukana muchano shimbu kanda enu kufwelela makuli. Echi chakwoloka. Echi chili vene. Eva chatete atelele kukana Lizu lya Kalunga shimbu kanda ikiye ambate makuli a Satana. Vakiko vatelele kufuma mu Lizu kahajino, chochimwe jino, echa Loma ambate chakuzeneka kwasa uta. Vakiko vanahono kutachikiza eli Lizu lya Kalunga ha vyuma kana. Ou ukiko ukalu uli nawo.

²³⁹ Etu twatondo kusanguka cha kapolofweto wamuchano, kutuneha cheka ku Lizu. Echi chakwoloka. Etu vatushikile umwe. Etu vatushikile chize. Eyo, mukiko vene. Malaki 4 ngwenyi ikiye mwaya. “Kaha ikiye mwakakindulwisa Lufwelelo lwa vathu kumasepa ava chipendekosita cheka.”

²⁴⁰ Amos atachikijile nge Isalele wakuzeneka kumukomoka kalunga mwakaya nakumwenyeka likumbi limwe. Jino echa nguhanjike echi na kalemesa. Shikaho kumana mukakufwelela walelo atachikiza nge kaye, ou ka America wakuzeneka kumukomoka kalunga, mwya nakulyenyeka. Zangi yove ya milingu! Nanguya nakwecha chize chikungo munyutu kaha. Chize nachiya nakwenyeka lifuchi. Kaha zangi ya kaye, keshi kwiza na eli Lizu na kweseka kulinga chuma muka chakwoloka, nachiya nakwenyeka liuka. Echi chili vene chakwoloka. Ngwafwelela chize chikwechi. Eli liuka lyasele Ikiye, kuseza Lizu Lyenyi lya Kuyoya. Kaye kosena kulimbwisa hali echi, nge chimbuji. Vakiko veji kulinga chuma chochimwe na lelo. Eyo. Kachi Amos apwile hano, ikiye kachi mwatambakana hali ize zachiso yosena.

²⁴¹ Jino, mukusoka, Ngwatondo kuhanjika echi, mu vasi 8. Ivwulilenu kanawa. Ikiye ngwenyi, “Omwo ndumba mwakumbwoka, hiya oloze kwivwa woma omwo ndumba mwakumbwoka?”

²⁴² Kaha Ngwahangile vandumba. Ndumba ikiye mwangana wa tunyama. Mu Africa Ngunasavala muze mupambo, lwola lwaufuku, mwishi ya mwila waundende, mokomoko apwile wakuviza.

²⁴³ Ndumba mwaya nakutumbuka kumeso a uta. Ikiye keshi nawoma wa chize, oloze ikiye keshi kuhasa kuya hakamwihi na kala mungonga. Enu munevwu vaze vavene. Oloze,

chize chinapu muchano, ndumba keshi kuhasa kupandama hakamwihi na mbinga. Vakiko kupwa nakulemeka cha mbinga nge ngachize, kaha ndumba keshi kuhasa kutumbukakako. Nge chiku, ikiye nahase kupwa, kwiza hazevene nakwingilamo.

²⁴⁴ Billy na Ami. Ngunanuka kupwa kuze ufukuumwe, kaha kwivwa kanwa kenya kakanene kumbojola nakujinguluka, *kuze* kwakusuku kufuma ku mutwe wami, talenu, oloze ikiye—ikiye kahashile kupwa hakamwihiko. Mwata wenyi wamunene, pamo nge *ngachize*, kutambuka nakujinguluka hamavu.

²⁴⁵ Kaha enu munahase kwivwa kalachuma kufuma kuli mimbwe, kuseha cha mimbwe, kulila cha mimbwe, kaha—kaha vakiko—vakiko kutambakana. Kaha—kaha enu kwivwa vapombo, vasoko, na—na vatungu vavasuku shingo, kaha vanjamba kaha kuyayavala chachinene kaha “whee.” Ove unahase kuvwevwa pamo jimailosi okwo. Kaha matupa na vikotokoto kala miyachi zungo yavo. Oloze echa ndumba akumbwoke kufuma kwakusuku, numba vikotokoto kwecha kutambakana. Vakiko veji kwivulilanga. Mwomwoika? Ali mwangana wavo. Vakiko veji kulivwilanga.

²⁴⁶ Eyi Mbimbiliya ngwayo, “Omwo Kalunga...Omwo ndumba mwakumbwoka, hiya mwahona kwivwa woma? Kaha nge Kalunga mwahanjika, kaha etu natulama kufuma kupolofweta?” Natulama echi ngachilili? Omwo Kalunga mwahanjika, uze kapolofweto ali nakulila Lizu lya kuhanjika. Kaha kachi Lili Lizu lya Kalunga. . .

²⁴⁷ Kaha ndumba kukumbwoka; vze vikotokoto, vyumavimwe, kukalakasha, mwomwo vakiko vali nawoma. Vyavo—vyavo—vyavo mwangana wavo ali—ali nakuhanjika. Vakiko vakwechi chize—chize chishinganyeka chakutamo, ngolo, kaha kavumbi kakanene, kuvumbika mwangana wavo omu ikiye mwahanjika.

²⁴⁸ Shikaho, Kalunga kuhanjika ha Lizu Lyenyi, kaha echa kala tengeso ya tengeso Yenyi yipwenga yakuzama. Ikiye ali nakuhanjika mumakumbi akumakumishilo. Ikiye ali nakuhaka Lizu Lyenyi. Kaha echa kala tengeso ize yipandama mu Wangana Wenyi ambate chuma Ikiye ali nakuhanjika. Imana. Tala. Ikiye ali nakukumbwoka jino, kukumbwoka ha Lizu Lyenyi lya kwinjikiza. Ikiye nalisolola Lyavene. Omu Ikiye mwakumbwoka mumakumbi akumakumishilo, echa tukakeko mangana, kaha kutachikiza nge kuli chumachimwe chili hakamwihi nakusoloka, kutachikiza nge Kalunga kanda lyehi alinge chize chakuzeneka chatete Ikiye mwakumbwoka. Omwo Ikiye mwakumbwoka, kahajino chumachimwe kukavangiza kukumbwoka, eyo, mwomwo Ikiye ali nakwiza jino.

²⁴⁹ Ikiye ambile ngwenyi, “Kumana—nge. . .Kumana ndumba akumbwoke jino chakuzeneka mulonga? Kumana ndumba wamukweze kutambakana, kulovoka muufwelu, shimbu kanda aliyenga chumachimwe?” Talenu?

²⁵⁰ Kalunga akwechi mulonga kukumbwoka, mwomwo Ikiye atachikiza nge kusopesa chili kulivoko. Kaha, Lizu Lyenyi, Lizu Lyenyi linapu kapolofweto. Ikiye napu. “*Ou unapu upolofweto wa Yesu Kulishitu.*” Echi chili kusoloka, Kalunga kulisolola Lyavene kuli etu kuhichila mu Lizu Lyenyi lya kusoneka. Kaha Ikiye napu Lizu. Kaha, jino, *eli* linapu Lizu Lyenyi. Kakweshi chuma chakuhakako kuli Echi mokomoko kufumisako kuli Echi, oloze Echi chatela kuyoya na kwolola mujila kana Echi chili. Etu tuli nakuhana, kumbata kala chuma kufuma kuli Echi mokomoko kuhaka kalachuma kuli Echi. Kalunga hanga apwa Kalunga. Ikiye ali nakukumbwoka.

²⁵¹ Ikiye ngwenyi, “Nge muze chapwile mumakumbi a Nowa, shikaho mukiko nachikapwa na kwiza cha Mwana muthu. Vakiko vapwilenga nakulya, kunwa, kumbata, kulihana mukulimbata, unyengwe.”

²⁵² “Kaha nge muze chapwile mumakumbi a Lote,” Ikiye ejile Lyavene mumujimba wa nyama, kaha kwinjikiza Lyavene kupwa kuze kuli Apalahama. Ambile ngwenyi, “Shikaho mukiko nachikapwa na kwiza cha Mwana muthu.” Tala hali evi vyuma. Kumunyika cha chingoloshi chili nakumunyika.

²⁵³ Mamalelo, kachi etu twapwanga na Amos halikumbi lino, echa ikiye akumbwoke, ikiye mwaya nakutuva muvilinga vyetu na visemwa vyetu, kaha eli Lizu lya Kalunga kuya nakutambuka.

Echenu tulombe.

²⁵⁴ Tata wa Mwilu, kuhanjika cheka. Kukanguka, Mwata, na Shipilitu Wajila. Ikiye napu Kapolofweto wa ola. Ikiye apwa Kapolofweto wa likumbi, kweseka kuwana jila Yenyi mukachi ka michima ya malunga na mapwevo, mangana Ikiye ahase kuhanjika Muchano. Ngunawahilila chikuma nge Ikiye kuwana vamwe. Ngwalombo, Tata wa Mwilu, nge Ikiye mwaya nakuwana vavulu muno ufukuuno, nge Ikiye nahase kuzachisa mthuumwe uze ali wakulizanga kupwa wakushishika. Omwo vakiko vali nakwivwa kukumbwoka cha Kalunga wa undume kutambuka na Lizu Lyenyi, kusopesa chili hakamwihi.

²⁵⁵ Omwo ndumba mwakumbwoka, ikiye ali nakwiza. Kala—kala tengeso kutachikiza nge ikiye mwaya nakuswama, mwomwo mwangana ali nakutambuka kulutwe.

²⁵⁶ Kalunga, etu tuli kaha na chihela chimwe chakukingiwa, omwo Mwangana wa va myangana akumbwokele, uze ikiye Manyinga a Yesu Kulishitu. Etu tuli na chihela chakukingiwa. Ngwalombo, Tata wa Mwilu, nge Ove muya nakuhanjika kumichima ufukuuno. Kaha echa vakiko vatachikize nge vakiko vali nakuyoyela mumuvwimbimbi wa Kwiza cha Kulishitu, omwo mafuchi kuhokoka, kaha vyuma vili nakuya lika, nge omu vakiko vali. Kaha, oloze, mu keke Yove yayindende. . .

257 Etu tunavulumuna chikuma, chasoloka nge Ove nauya na kwalumuna Chove kufuma kuli etu, kaha echa tuyenu. Oloze, hanga, nge omu Ove wapwile kunyima kuze mu Milemba, Ove weji kutunga jila yakuchinyina. Ove watangile jila yakuchinyina Nowa. Ove watangile umwe hali Mose, kaha hali Ndanye, vana va Hepelewu. Ove, Ove uli lwola lwosena kulinga mujila. Kaha vaze kuwana Echi, vakiko kutambuka mu Kumunyika cha Kalunga na kupwa na Kuyoya. Vaze vanakane Echi, vavapaishile kaha vavatapula.

258 Ngwalombo, Tata wa Mwilu, kuze nakupwa nakuya kwauchi vaze ufukuuno, chize vatapula. Echa vakiko vayema kwivwa kuka cha Kalunga, ou Shipilitu Wajila kuhanjika mukachi ka michima yavo, kaha kuhanjika, “Echi chikiko Nguli. Kanda kwivwa womako. Echi chili Yami.” Mwomwo etu twalombo echi mu Lijina Iya Yesu. Amena.

259 Nguli nakuya na kusanyika chakukamenga pamo minyutu teni. Ngunakotokela chindende. Oloze Ngwafwelela Billy ahananga makati akulombelela maufuku amwe kunyima okwo, mokomoko chumachimwe chikwavo, ku Ndumbu walunga Groomer. Kaha Ngwashington ikiye napunga nakuvahana vakiko ufuku unahichi. Kangwasanyikile vakiko. Ngunahono kutachikiza. . . Ngwashington ikiye avahanyine cheka ufukuuno. Ngunahono kutachikiza nge ikiye alingile mokomoko nduma, oloze echa tusanyike makati amwe. Ikiye Ndumbu walunga Groomer hano? Groomer? Nduma, nduma. Groomer. Ikiye ali hano? Etu twaputukile kufuma kulihii? Kuputuka kufuma nambala. . . Kumana etu katwaputukileko kufuma nambala imwe, kuze?

260 Ufuku unahichi, etu katwapwile na makati akulombelako. Etu. . . Uze Shipilitu Wajila ayile nakuhita mulikungumbuwa na kusanyika vathu. Ove wazanga ngachize? [Chikungulwilo ngwacho, “Amena.”—Muka.] Ngwazanga, nawa. Kaha kunangula chikuma nge ngachize, pamo Nguli wa kuzeya hali echi.

261 Ngwa—Ngunahane vathu kati yakulombelela, Nguli wakukashiwa kulombelela uze muthu. Mukiko kaha. Kachi etu katweshi na kutumbununako, echi chosena chakwoloka. Oloze Nguli wakukashiwa kulombelela muthu. Mwanami walunga mwahana kati yakulombelela, Ngwa—Ngwatela kulombelela uze muthu. Mukiko kaha. Shikaho, Ngwa—Ngwevwile mujila kana. Nanguya nakuchilinga, Kalunga angukafweko. Shimbu kanda Nguvenga lifuchi hano, Nanguya—Nanguya nakulinga ngachize.

262 Jino, etu katweshi kuhasa kumbata chikumako. Echa tatalenu, etu twaputukile kufuma muli umwe nakuya ku twende faifi, Ngwafwelela mukiko chapwile, uze ufuku. Yaah, umwe ku twende faifi. Ngwa. . . Ndumbu walunga Groomer,

ove uli hano? Ndumbu walunga Groomer? Kangweshi kuvuluka echi mwakwolokako. Oloze Ngwashinganyeka echi chakwoloka. Umwe. . .

²⁶³ Chamwaza, echa tuputuke kumwe nawa ufukuuno. Echa tuputuke, echa tuputuke kufuma sevete faifi, kahajino, wani handulendi. Hiya ali na kati yakulombela nambala sevete faifi, zundula livoko lyove. Echa tumone kachi. . . Chamwaza, echi chakwoloka. Echi chamwaza. Chosena chakwoloka, twaya kuno, pwevo wakalemesa. Sevete faifi, sevete fwo, sevete- . . . sevete faifi. Jino sevete sikisi, sevete seveni, sevete eyiti, sevete naine, eyite, eyite wani, eyite tu, eyite seli, eyite fwo, eyite faifi, eyite sikisi, eyite seveni, eyite eyiti, kutwala ku handulendi. Echa vakiko vezenga hano. Nyi Billy Paul alikulihi? Lisesa mwane. Eyo. Yako, yako kuze. Echa vamwe vakakwimana kuchikafwa ikiye palanga vakiko vayile mumukana wakulombelela.

²⁶⁴ Jino, enu vosena, tala kuli yami mumunyutu kaha. Yaah. Enu mwamuzanga Ikiye? Echa twimbenu, kwimba chamwaza, munyutu kaha, shimbu enu vamwe vandumbu vamalunga kuya kuze. Mamalelo, ngwakusakwilila. Vakiko vapwile navo, kuze, shikaho vakiko. . . Shikaho eyi mikana kaveshi kulifutulako. Ngwatondo kulomba hali ava vathu. Kahajino, hamene, etu natuya pamo nakulombelela vakakuviza chochimwe, kaha kutwalilaho na lika, palanga kuliwana chaputukile. Kaha Ngwa. . .

²⁶⁵ Pamo Ndumbu walunga Roberts pamo pwako na mukana wakulombelela, nawa, ku—ku chihela. Ngwapwile nakushinganyeka pamo etu vosena kupwa umwe namukwavo, kusali yimwe, kaha umwe kusali ikwavo. Oloze Nguna—Ngunahono kutachikiza nge ikiye mwaya nakupwa nge ngachize mokomoko nduma. Kangwahanjikile kuli ikiyeko, kaha Ngwatela kuhanjika kuli ikiye chatete, mwamono. Ndumbu walunga Oral apwa ndumbu walunga wamwaza, ikiye apwa ngamba ya Kulishitu wamwenemwene. Kaha ikiye mwaya nakupwa wakulikehesa kulinga echi, oloze Ngwajinda kumbila amilyavene muze na muthu nge ngachize, mwamono. Shikaho Ngwatela pamo kwecha echi ukawacho. Chamwaza, kachi ikiye mwaya nakungulweka, kachi ikiye mwaya nakunguhula yami, “Ndumbu walunga Branham, twaya nakungukafwa,” Nanguya—Nanguya nakupwa wakuwahilila kulinga chize. Oloze, jino, ikiye ali wakulikehesa kaha ndumbu walunga uyema. Kaha kachi ikiye mwanguhula yami kulinga echi, Ngwa, mukikovene, Nanguya nakuchilinga. Oloze Ngwatondo ikiye kunguhula yami, chatete, mwamono. Kangwatela kuhanjika chuma chimwe ko hali echi. Kanda kuvuluka echiko, jino. Echa—echa ikiye anguhule yami, kahajino Ngunatachikiza echi chili chakwoloka. Talenu?

²⁶⁶ Oloze jino—jino etu natuya nakumona. Vangahi kumbata. . . Chamwaza, jino, echa tatalenu. Makati angahi ali muno muzuvo?

Echa tumone mavoko enu. Mamalelo, kuli kaha vavandende vavavulu, pamo fifite cheka. Fwote, fifite chikuma, pamo. Mamalelo, yaah, pamo seti cheka. Chosena chakwoloka. Jino etu natuya nakupwa—etu natuya nakupwa na . . .

²⁶⁷ Etu tuli nakuya nakumbata vakiko. Jino etu tuli . . . Kwata kati yove, kachi ove kavakusanyikako. Talenu, echi chinapu minyutu teni hanyima ya teni, kaha Ngwa—Ngwatondo enu kupwa ha shikola ya Chalumingo mu chimene. Kaha pamo hamene, kupwa nakutanga chivali, etu tunahase kupwa hakamwihi na makati osena etu tukwechi jino, kaha jino—jino kuputuka chachihya cha Chimwe cheka.

²⁶⁸ Kuze etu mu Chimwe ufuku wa Chimwe? Mamalelo, etu tuli nakushikumuka, nakuhanjika, ku Tucson. Kanda kuvulyamako kwiza nakushikumuka ku Tucson jino, kukuliwana kuze. Kala muthu hano kufuma ku Tucson? Yaah. Punduvene. Litepa lya kaye, punduvene, enu mwatela kufuma kuze. Ndumbu walunga Carl Williams mwaya nakupwa hanyima yami hali echi, makumbi amwe. Omwo Ngwejile kuno chatete hano, vakiko vapwile nakuhita mumbongi, kaha Ngwamwene vakiko hanga vali.

²⁶⁹ Ngwejlila chize. Ngunja yetu, ngunja yachizuma, moko moko lizavu lya ngunja ya chizuma kwimbo, jize jimbongi, Jeffersonville na New Albany, mamalelo, yami, yami, yami! Hee! Kuze kwapwile ufuku kuze kakweshi lizavu lyalinene lya vakakuzunga, omwo vakiko vapwile nakuhema, kahajino Ngunahono kutachikiza okwo chatela kupwa.

²⁷⁰ Vakiko vali nakutwalilaho, Ngunatachikiza, mu Tucson. Oloze Phoenix yinafumu ku Tucson lwola lwaluvulu, Ngwafwelela, mwomwo Ngwa . . . Tucson, Kangwashinganyekele nge seteko yimwe ya Phoenix. Oloze . . .

²⁷¹ Etu tuli nakuya kuze, mwomwo vakiko vakwechi vamwe vamwaza, vathu vakujila kuze, Ngunakunyuka. Kwosena Ngwayile muno mukaye, muzevene mumusenge wamu Africa, Hanga ngwawane vakiko. Mamaah, yami! Kachi Nanguhasa kumbata pwevo lyami kwiza hano na kwimba mwaso hali enu ufuku umwe, “Vakiko vejile kufuma kumututuko na kumulauko, kufuma mafuchi a Africa.” Jino, ikiye mwaya nakukatuka na kuseunuka omwo Ngwahanjikile ngachize.

²⁷² Shikaho, ikiye ali nawoma wakufwa cha Ndumbu walunga Rose. Ndumbu walunga Rose ngwenyi, “Ndumbu wapwevo Branham ali hano. Etu natuya kuli ikiye, nakuhanjika lizu.”

²⁷³ Ikiye ambile ngwenyi, “Muchima wami kutumbuka pamo fifiteni kutumbuka.” Ambile ngwenyi, “Ngwambilile mutwe wami hamavu.” Ngwenyi, “Bill, kachi ikiye ali kwosena mukuliwana,” ngwenyi, “Nguli wakukunyuka kuya nakuswama.” Ikiye napu kunyima chikuma. Shikaho, Ngwa—Ngwa—Ngwewwile kufuma kuli echi omwo Nanguya kwimbo.

274 Ngwafwelela nge enu vakweze ja vathu... Nanguhanjika echi, keshi mwomwo ikiye ali hano. Munatachikiza echi, kaha vosena munatachikiza ikiye. Ngwafwelela nge kala mukweze walunga muli ino zuvo, omwo ikiye mwambata pwevo lyenyi, uze ikiye ali kuyema kuli ikiye, kaha enu muli nge mukuwahilila hamwe, nge pwevo lyami kaha Ngunapunga myaka eyi. Kachi kuli kala kulema vatela kuhana kuchisaka cha Branham, echa uyenga kuli ikiye. Ikiye napu mwangana wapwevo. Ikiye punduvene mukiko vene. Chuma chimwe, ikiye napu mama wamwenemwene. Kaha jino tala ika ikiye atela kuhaka hamwe, talenu, kaha jino, chamwaza, ove watela—ove watela kulikomokela chuma muka chize. Mwomwoika, vathu ha chikolo, likumbi na ufuku. Kaha ikiye kwimana mukachi ka ami na likungumbuwa, talenu, muze mukiko, hembo. Shikaho unapu mulimo waukalu.

275 Kaha wamundende Billy Paul, Ngwashingtonyeka, ha, lwola lwaluvulu, Ngwamunehela ikiye nakujinguluka, omwo naye afwile, kema wamundende. Ndotolo Adair apwilenga nakwamba ngwenyi, “Ove unapu mukweze wakusehewa.” Kaha Nanguya nakushikumuka mujila, nakumulongeja ikiye, kaha ikiye kulila hali naye, kaha kwapwile kututa cha chishika, munatachikiza, yami kumukwata ikiye hachifwiji chami, nge *ngachize*.

276 Kaha kapwile na mali akutamoko akulama... mokomoko kupwa na mulondo wamwenemwene. Ngwamuhanyine mutumwa wa Nyama na nile. Nanguya nakuchihaka *hano*, kaha kuchilama mwishi ya livoko lyami, kuchilama kuzuma. Ikiye kupwa nakutambakana chikuma, Nanguya nakuheta nakujinguluka, kuhaka nyeso mukanwa kenyi. Echa ikiye kumulela chindende, kaha kuhaka mutumwa cheka hamavu *hano*. Kaha Ngwapwile na mavele hali yami osena, kaha vyuma vyosena, munatachikiza.

277 Ngwapwile nakumukwata ikiye, kuya lika, munatachikiza, kumufumisa ikiye. Lwola lwaufuku, yami, yami, omu Nangweseka kumwasa ikiye kusavala, kaha muthuumwe kwiza nakutala hali ikiye shimbu Ngwayilenga nakulombelela vakakuviza. Etu kwiza nakushimbula hamwe. Kutalilila Ikiye kutulama nakufumako.

278 Ngwamumwene ikiye zau, ambachile kanyike walunga wamundende. Kaha Ngwashingtonyeka, “Billy, apwile ove, hanyima chindende.” Chamwaza, eyi ikiko jila etu twatela kulinga, kutambuka nakuya mujila, kaha kuhana veka lihanya. Kukisula chipwenga ku Lijina Iya Mwata.

279 “Omwo ndumba mwakumbwoka, talenu, hiya mwahona kwivwa woma?” “Kaha woma wa Kalunga unapu maputukilo a mangana.” Echi chakwoloka? Omu mukiko malunga vakamangana vahanjikile. “Woma wa Kalunga.”

280 Jino, Ngwatondo enu vathu mumukana wakulombelela, kwimana kuze, enu vosena munatachikiza nge Kangwatachiza numba chuma chimwe muli enuko, zundulenu mavoko enu. Muthu wosena. Ou Mwata wamwaza wa Mwilu kupwa Mukakusopesa; nge omu Ngunatachikiza muchiyoyelo chami, Kanda lyehi ngumone umwe wavo muchiyoyelo chami. Vakiko pamo kumona yami, kufuma kukutwama muze mulikungumbuwa.

281 Jino, vangahi vali muze mulikungumbuwa, vase vanatachikiza nge Ngunahono kutachikiza chuma chimwe hali enu? Oloze, ohonyi, ove uli nakuviza, kaha ove wafwelela nge, Kalunga, ove unahase kukwata kuchikuto Chenyi, kaha Kalunga mwaya nakuhanjika kuli yami kusanyika enu, nge omu Ikiye alingile uze pwevo, nge pwevo watete? Mamalelo, yami! Shikangaho Ngwanangwile chikuma. Lizavu nge ngachize, na lufwelelo kana, lyatela kulinga echi.

282 Ou pwevo wakalemesa? Jino, hano hali pwevo wakalemesa. Etu natukaliwana ufukuuno nge vangeji, kaha jino ikiye nemana hano. Mukiko vene, pamo ikiye ali nakuviza, mokomoko ikiye nahase kupwa naukalu ukwavo.

283 Talenu, Kalunga eji kulinga vyuma vyeka kusali ya kuka vakakuviza, munatachikiza. Kaha shikaho. . . Kaha Ikiye ashikile kuliwana chetu chosena, kutonda chetu, lwola lumwe keshi kutonda chetu, oloze kutonda chetu. Jino Ngwatondo enu kushinganyeka, umwe jino, omwo enu namuya kwimbo, mokomoko kachi enu kanda lyehi ngutange echi shimbu kanda, nakutanga Mukakujila Yowano 4, kaha—kaha talenu jino. Jino, hano, jino, Kangweshi nakwanuka. . .

284 Echa nguhanjike echi. Ngwafwelela, ou mulimo, unapu chipwe Ikiye mwaya nakungumbata nakungutwala kwimbo mokomoko kuukoka. Echi chili—echi chili hano vene kumakumishilo. Mokomoko, chipwe kungutuma kusali yatulungalwiji mokomoko kumwe kuze vakiko kanda lyehi Vachivwe. Talenu? Kuli chumachimwe chili nakwiza nakusoloka. Enu anukenu kaha.

285 Kaha, ivwulilenu, Kangweshi mukakulanjisa tepuko. Oloze Ngukwechi ndumbu walunga wamwaza hano ali nakumbata eji jitepu, kaha uze ikiye Mukulwane Maguire. Ngwafwelela echi chinapu James Maguire. Kaha wenyi—wenyi isewenu, Ndumbu walunga Sothmann kunyima kuze, vakiko vali na eji jitepu. Ngunatondo, kachi kala muthu enu mukwechi tepu yakukopa. . . Kangweshi kuya nakuhanjika kalachuma hali echi jino, mwomwo Ngunahono kutachikiza chuma chimwe hali echi. Oloze kachi enu mwalanda tepu kufuma kuze, kulanda ize tepu, *Mwane, Lwola Muka Luno?* Ivwulila kuli echi, *Mwane, Lwola Muka Luno?* Kuwimba mukulomba, kaha jino ove muya nakuputuka kungulombelela. Talenu? Omwo enu. . . Mwomwo,

enu namuya nakumona jino chuma muka—chuma kana chachikalu Ngunema hano vene ufuku uno. Hanjika hali sonyi, kachi ove unatachikiza kaha chuma Ngwapwile ngunemana, hano vene jino, hano vene! Talenu? Oloze Ngwatela kuya. Mukakuhasa kechako, kaha mukakwecha keshi kahasako. Echi chakwoloka. Ngwatela kulilongesa chumamuka Ngunanangula. Talenu? Jino, Ngwafwelela Kalunga. Ngwafwelela Ikiye hano vene.

²⁸⁶ Jino, hano hali chikuku. Jino, kachi Ngwa—kachi Ngwapwile Mwata wetu Yesu nemana hano, kaha ou pwevo apwile nakuviza, munatachikiza Kangweshi kuhasa kumuhindulako kachi Ngwapwanga Mwata Yesu. Kangwashile kuchilingako, mwomwo Ngunalingi lyehi. Jino, vangahi vatachikiza echi kupwa muchano? [Chikungulwilo ngwacho, “Amena.”—Muka.] Talenu? Punduvene.

²⁸⁷ Ikiye tele nakonekela shili yosena. Ikiye tele nahinduka lyehi kala muthu mukakuviza. Ikiye apwile lyehi na Manyinga ku Kavali. Ndando vanayifwete lyehi. Echi chinapu chakufweta lyehi. Oloze chuma chimwe kaha ove watela kulinga shina kwitavila Echi, kufwelela Echi na kwitavila Echi. Kaha enu kamweshi kuhasa kwitavila Echi palanga chatete enu mwafwelela Echi. Talenu? Fwelela Mujimbu wamwaza.

²⁸⁸ Jino, oloze ngachilihi kachi Ikiye emanyine hano, kuvwala eyi suti nge Mwata wamwaza apwile Ndumbu walunga na Ndumbu wapwevo Williams nakulanda yami, pamo faifi mokomoko sikisi myaka kunyima okwo? Kaha nachipwa ngachilihi kachi Ikiye apwile nemana hano kuvwala suti, kuvwala suti, kaha uze pwevo apwile nemana hano?

²⁸⁹ Jino, kachi Ikiye apwile na chiveza mulivoko Lyenyi, Ikiye ahanjikile ngwenyi, “Mwamono, Yami Meshiya. Ngwa... Talenu viveza? Tala ha mutwe Wami.” Jino, kala muthu nahase kulinga chize. Echi chakwoloka. Ngunahono kutachikiza Ikiye hali chize. Kaha kachi Ikiye emanyine hano nge ngachize, Ngunatachikiza kachapwile Ikiyeko. Ngunatachikiza kachapwile ngochoko.

²⁹⁰ Mwomwo, omwo Ikiye mwakeza, ndolombita nayikavuma. Etu natuya...Ikiye keshi kuhasa kwiza kumavuko. Etu natuya nakupwa vakukwachiwa mupeho, kuliwana na Ikiye. Talenu? Etu twamukwate Ikiye mupeho. “Etu tuli vavatonyi nakukwiza nakupwa hamwe navakiko, kuliwana na Mwata muutangatanga.” Ikiye kanda lyehi ezenga hamavu. Etu twamuwane Ikiye muutangatanga.

²⁹¹ Oloze jino, Ikiye ambile ngwenyi, “Nanguya nakupwa na ove, nakumakumishilo akano kaye. Kangweshi kumiseza chipwe kumihunga.” Ikiye mwapwa ngachilihi? Kuyoya Chenyi. Kahajino, kachi Chiyoyelo Chenyi nachiya nakupwa muli yami, kaha jino Nanguya nakumwimanyinako Ikiye. Kahajino,

kachi nachiya, nachiya nakupwa Kuyoya chochimwe chize chapwilenga muli Ikiye, nachiya nakulinga chuma chochimwe Ikiye alingile.

²⁹² Jino, hano hali lunga na pwevo, nge Mukakujila Yowano 4. Ikiye aliwanyine na pwevo. Ikiye kanda lyehi amumone ikiye. Ikiye kanda lyehi amumone Ikiye. Kaha kuze vakiko vemaneyine, hamwe. Kaha Ikiye amulwekele, uze pwevo haze ha lishima, ukalu wenyi wapwile uka. Kaha omwo Ikiye alingile chize, ikiye ngwenyi, “Mwane, Ngunamono ngana Ove wapwa—Ove wapwa uka polofweto.” Ikiye ambile ngwenyi, “Oloze etu tunatachikiza nge Meshiya, omwo Ikiye mwakeza, Uze vavuluka ngwavo *Kulishitu*, kulumbununa, ‘uze Umwe wakuwavisa’; omwo Ikiye mwakeza, Ikiye mwakaya nakulinga vyuma evi, kutulweka etu vyuma kana.”

Kaha Ikiye ambile ngwenyi, “Yami Vene, chize kuhanjika na ove.”

²⁹³ Jino, kachi Ikiye apwa youmwe zau, lelo, na haya myaka; kuvangila, mujimba uvene. . . Ikiye eji kuzachisa mujimba wetu. “Ikiye muvinyo. Etu tunapu mitango.” Kahajino, ize Shipilitu nayizata cheka nge omu Yeji kulinganga omwo Yapwile muli Ikiye. Echi chakwoloka? Unahase kukulingisa ove kufwelela? Hanjika, “Amena,” kachi echi nachilingika. [Chikungulwilo ngwacho, “Amena.”—Muka.]

²⁹⁴ Jino, pwevo wakalemesa, yami kangwakutachikizako ove, kanda lyehi ngukumone ove muchiyoyelo chami, nge omu Ngwatachikiza. Mukiko vene, enu mwamona lyehi yami mujila mokomoko mukuliwana, kaha na vyangocho. Oloze elu lunapu lwola lwatete kuliwana.

²⁹⁵ Jino, kachi—kachi echi chinapu kuka ove unatondo, chamwaza, Ngwa, kachi Nanguhasa kuchilinga, Nanguya, kaha kachi Ngwapwanga nakala jila. Kaha kachi echi chili mali, kachi Ngwa—Ngunahase kukafwa echi, Nanguya nakuchilinga. Kaha kachi ove muya nakuhanjika, chinahase kupwa mthuumwe, ove muhanjika, “Nguneza hano, Ndumbu walunga Branham, mwomwo ove kulombelela hali—cha mwanami walunga, mokomoko mwanami wapwevo, mokomoko ndumbwami wapwevo, mokomoko tata,” mokomoko mthuumwe. Nanguya nakulinga ngachize, talenu, kalachuma Ngunahase.

²⁹⁶ Kaha—kaha kachi ove wapwile na ukalu wa jiso, Nanguhanjika, “Ngunatondo kuliwana nove na lunga lyove, hamwe, na kuhanjika na ove kumwe kusali hano, enu mwamono, shikaho Ngunahase kuhanjika kuli enu vosena vavali kaha kumona vene mulonga uli.” Kahajino, omwo Shipilitu Wajila mwasolola, kuhanjika, “Vandamina munyutu kaha. Ove walingile *echi* hano vene *ha* lwola lumwe.” Mukiko kaha. Ove kaweshi kuhasa kukana chizeko. Talenu? Hanjika, “Ove walinganga *echi* hano.” Kahajino, kahajino echi chakumishile,

mwamono. Jino, enu putuka kufuma haze vene. Talenu? Mujila kana, chinalingika.

²⁹⁷ Jino, munatachikiza Ngulinakuhanjika kuli enu ha punga yimwe. Ngunapunga nakunangula. Talenu? Kaha jino Nguli—Nguli kaha nakupwa amilyavene mu—mu kuwavisa cha chumachimwe cheka, mwamono, kumona kachi Shipilitu Wajila mwaya nakwiza na kuzata hali yami na wana wa Ukalunga; echi chili, chize kutona chivali vyatwama hamwe, echi cheji kunguhana likoji lya Kalunga kumona vimweno, kaha talenu chuma muka chili nakusoloka, chuma muka nachiya nakusoloka, chuma muka chinapunga.

²⁹⁸ Munatachikiza nge unapu muchano mokomoko nduma. Ove unema hano shimbu kanda pamo faifi vathu handulendi, talenu, mokomoko kupandama kuli echi, seli handulendi, mwosena omwo. Talenu? Kaha—kaha enu munatachikiza nge echi—echi. . . Munatachikiza nge ou unapu muchano mokomoko chiku. Kaha—kaha kachi ou unapu muchano, kahajino napu Kalunga. Eyi Mbimbiliya ngwayo, “Kachi kuli umwe mukachi kenu, ali mukashipilitu mokomoko kapolofweto, kaha ikiye ovyo mwahanjika navisoloka, kahajino mwivwulilenu ikiye.” Talenu? Jino, “Kachi kacheshi kuhasako, kaha kanda kwivwa ikiyeko.”

²⁹⁹ Jino, Kangweshi na chishinganyeka nge pwevo wakalemesa ali kulih. Oloze jino echa kaha Shipilitu Wajila ezenga, na kumona kachi Ikiye keshi kuchilingako. Talenu? Kaha kachi echi kacheshi kupwa chuma chochimwe Mwata alingile! Mukiko kaha Ikiye nahase kulinga kachi Ikiye emanyine hano vene, mwomwo, anuka, napu Ikiye. Ali Ikiye. Echi kacheshi yamiko. Ngunahono kutachikiza ikiye. Nguli nakwitavila, Ngunatachikiza ikiye keshi ngochoko. Shikaho, nachiya nakumumbata Ikiye.

Jino, mukiko vene, uze pwevo wakalemesa ali na kwivwa chamwaza cha shipilitu yenyi.

³⁰⁰ Keshi mwomwo ikiye akwechi livoko lyenyi helu. Enu vosena munapunga mukuliwana, kaha kuvamona vakiko kuhaka livoko lyenyi helu, kulinga nge *ngachize*, kaha Shipilitu Wajila kusanyika kukinduluka kunyima na kuvalweka vakiko chuma muka vakiko vapwile. Talenu? Echi chakwoloka. Chize kachalumbunukile chumako. Ivwulila vakiko kutambakana na kutambakana; hazevene, enu kuvalweka vakiko hazevene, “Ove uli nakuyoya *na* pwevo lya uze lunga,” amwene *hano* vene, kaha vyuma vyosena. Chamwaza, munatachikiza. Ove unapunga mukuliwana na kumona omu vyuma, kaha kumona omu vyuma, chize kachalumbunuka chuma kanako.

³⁰¹ Oloze uze pwevo wakalemesa chinisoloka kupwa kwivwa chamwaza ku shipilitu yenyi. Jino, uze pwevo ali nakuyanda na chumachimwe chakuhenga. Ngwatalile hali ikiye, mujila ikiye ali nakulya. Ikiye ali kumeso ami jino, kumesa, kaha kulya

mokomoko chumachimwe, muyachi wa kulya chakusehewa. Echi chakwoloka. Ou muchano? [Uze ndumbu wapwevo ngwenyi, “Echi chakwoloka.”—Muka.] Kahajino katula livoko lyove mangana vathu vayenga nakumona echi. Talenu? Ngwamwene uze pwevo wakalemesa kumeso ami, kulinga chumachimwe. Kalachuma chapwile, chili ha tepu. Talenu? Chosena chakwoloka. Jino, shikaho enu namuya nakutachikiza mwomwoika. . . Ikiye apwa muthu wamwaza.

³⁰² Tala chindende kaha. Jino Shipilitu ali wakuwavisa. Jino, kala muthu nahase kupwa wakuunda. Twalilaho kulomba. Pwenu mukulomba, mwomwo Ngunamono Echi kutambuka kuhita mulikungumbuwa jino. Talenu? Jino pwenu vakuunda.

³⁰³ Echa tumone uze pwevo wakalemesa cheka, kuhanjika na ikiye. Kala chuma Ikiye mwakulweka ove. . . Yaah. Hano hakiko chili. Echi chili kumesa. Echi chili—echi chili ukalu wamujimo. Kaha vyuma vimwe nge musongo wamujimo mokomoko chumachimwe mujimo. Ndotolo napunga nakutala hali echi. Kaha, kuhanjika, ove wapwanga naukalu wa lwola lwalusuku. Kaha, lwola lumwe, vachivulukile ngwavo, “Jimbandu, kunyina.” Kaha jino ikiye ahanjikile chumachimwe. Chumamuka chapwile kuze? “Mujingwa. Mujingwa. Mujingwa,” Ngwamwivwile ikiye kuhanjika chize. Talenu? Echi chakwoloka. Echi chili vene chakwoloka. Lijina lyove linapu Wakuhona kusomboka McCraw. Echi chakwoloka. Yako kulutwe jino, fwelela na muchima wove wosena.

Ove wafwelela?

³⁰⁴ Hanyima kulila nge ngachize, kutwama kunyima kuze, mwane, chize chomishile mahuyungu aze enu mwatela kwivwa kanawa hano jino, kachi enu mwafwelela. Echi chili chosena chakwoloka jino. Chosena chakwoloka, achilingile. Amena.

Chuma muka ikiye akwachile?

³⁰⁵ Lunga, pamo vivali muyima yeni kuze, na mishisa yakukola, mkachi enu mwafwela nawa, mwane!

³⁰⁶ Chuma muka ikiye akwachile? Kamweshi nakumona chize Kumunyika kusukama haze? Tala hali uze Muluwa kuze. Ngunahono kutachikiza muthu, kanda lyehi ngumumone muchiyoyelo chami. Fwelela kaha Mwata Yesu.

³⁰⁷ Jino, kumwe, kuli kembera wamundende hano, kembera ali nashingo ya kujikiza. *Mukiko* chili. Kangwamutachikizako. Fwelela, ndumbu wapwevo. Ize shingo ya kembera nayiya nakuzala, kachi ove muya nakufwelela echi.

Chuma muka ikiye akwachile? Haleluya.

³⁰⁸ Kuli chuma chimwe cheka chili mushingo. Ngwamwene chize. Ali pwevo. Kangweshi kuhasa kumuhaka muchihela ikiyeko. Yaah. Ikiye natwame hano, nakulila. Pwevo lya Riley,

fwelela hali Mwata Yesu Kulishitu, shingo yove nayiya nakupwa kanawa. Fwelela.

309 Ngunahono kutachikiza uze pwevo. Kanda lyehi ngumumone muchiyoyelo chami. Chuma chimwe kaha ove watela kulinga shina kufwelela Yesu Kulishitu. Ove wafwelela echi? Pwako nalufwelelo.

310 Kangwakutachikizako, mwane. Etu tuvangeji kuli umwe na mukwavo, nge omu Ngwatachikiza. Ove wafwelela nge Yesu Kulishitu nahase kungulweka yami ukalu wove? Unatachikiza nge nachiya nakupwa chakwoloka mokomoko nduma, keshi ngochoko? Kachi ove unahase kufwelela na muchima wove wosena jino! Twalilaho kuya mulikungumbuwa. Ove wafwelela pwevo lyove nge nauya nakupwa kanawa, nawa? [Uze ndumbu walunga ngwenyi, “Eyo.”—Muka.] Liso lyove ukalu, ikiye kuyanda na ukalu wa liso. Fwelela echi? Ove kawafuma kunoko. Nduma. Ove wafuma kuze kuli meya amavulu, mujila yimwe. Yinapu mbongi ya kungenge. Eyi yinapu California, Los Angeles. Kukinduluka kunyima na Mukulwane Bowman, kaha kupwa kanawa. Kaha Yesu Kulishitu mwaya nakukulingisa ove kupwa kanawa.

311 Ove wafwelela? Jino, ove, wosena nahase kuhinduka jino kachi ove muya nakufwelela echi. Ove wafwelela echi?

312 Ngachilihi enu mumukana wakulombelela, enu mwafwelela echi, nawa? Enu pwenu nalufwelelo, kaha kanda kukakasanako. Fwelela na muchima wove wosena, munyutu kaha.

313 Ou pwevo wakalemesa, mulonga Ngwemanyine na ikiye, ikiye ali museteko yayikalu. Ou pwevo mwaya nakufwa hazevene kachi chumachimwe kacheshi kulingikako hali ikiye, mwomwo ikiye ali mumuvwimbimbi. Talenu uze muvwimbimbi wilava hali ikiye?

314 Kuhanjika, munatachikiza, etu tukwechi muvwimbimbi wa kufwa hali vathu, ambachile chifwanyisa cha likina, chochimwe nge Kangelo ka Mwata? Etu kupwa nakusukama muliuka lyetu; kupwa nakutohwa, kusoloka ulava, nge peho yayinene, kusuka hali ou pwevo. Vakiko vamulwekele kumbata chifwanyisa. Kaha ou Shipilitu Wajila ngwenyi, “Mbata echi hano vene.” Kaha vakiko venyekele chize chifwanyisa, kaha kuze mukiko chapwile. Talenu? Kusali josena jivali, hano. Echi chinasukama haze vene.

315 Enu vathu kufuma mu mbalaka, enu vamwe muli, hano, Ndumbu walunga Fred na vakiko, hano hakiko hali chuma chochimwe kusukama hali ou pwevo.

316 Ikiye akwechi kansa, echi chakwoloka, chiveza. Echi chakwoloka. Echi chakwoloka? Katula livoko lyove kachi echi chinapu muchano. Talenu? Jino milima yinayi, chakuzeneka kuhanjika chuma chimwe. Talenu, lufwelelo lwenyi kaha, chuma muka chalingikile. Yako, nakufwelela. Amena. Amena. Kanda

kukakasana echiko. Yako kaha na kufwelela na muchima wove wosena.

317 Musongo wa muchima uli nakujiha vathu vavavulu, oloze kaweshi kuhasa kukujiha oveko kachi ove muya nakufwelela. Amena. Yako kaha, kuhanjika, “Ngwasakwilila Mwata.” Yako kaha pwako kanawa. Chosena chakwoloka.

318 Ou liyavolo mwaya nakukulingisa ove kupwa na musongo wakutenda muvifuwa chiyoyelo chove chosena. Oloze kachi ove wafwelela namuchima wove wosena, Yesu Kulishitu mwaya nakukulingisa ove kupwa wakulikangula. Ove wafwelela echi? Putuka mujila yove, kusakwilila Kalunga.

319 Ove wafwelela na muchima wove wosena? Ove unahase kuya nakulya kulya chove chachingoloshi, kaha uze ukalu wamujimo nauya nakukuseza. Yako kaha nakuhanjika, “Mwata va Mwalise!” Yako, fwelela Ikiye na muchima wove wosena.

320 Ove wapwile, nawa, ukalu wamujimo. Kufwelela na muchima wove wosena, na kuya, kaha Yesu Kulishitu mwaya nakukulingisa ove kupwa wakulikangula. Chosena chakwoloka.

321 Chumamuka ove unalizakaminaho? Ove uli nakulizakamina na kulizakamina. Kupwa kaha nakushikumuka, kuheta haseteko yakuhokoka, Satana kukuvandamina. Oloze chinakumu jino. Ove wafwelela yami? Yako, nakuhanjika, “Mwata va Mwalise!”

322 Mwata Yesu, Ngwalombo nge Ove uyenga nakuhindula ndumbwetu wapwevo na kumulingisa kupwa wakulikangula, mu Lijina lya Yesu. Amena.

323 Twaya, nakufwelela, ndumbu wapwevo. Mu Lijina lya Yesu Kulishitu, Ngunahake mavoko ami hali ikiye ha kuka chenyi.

324 Twaya, ndumbwami walunga. Mu Lijina lya Yesu Kulishitu, Ngunahake mavoko ami hali ndumbu walunga kupwa kuka chenyi. Amena.

325 Vangahi vakwechi muchima wakufwelela, mwishi ya livoko nalizunduka? Jino haka livoko hali muthuumwe unalihate nenyi. Ove ngwove, “Amos nahase kuhanjika echi?” Ikiye punduvene atela kupwa. Eli likiko Lizu lya Mwata. Ove katula livoko lyove, ove wafwelela.

326 Yesu ngwenyi, “Evi vinjikizo navikavakavangizanga vaze vakakufwelela. Kachi nge navakanangika mavoko avo hali vakakuviza...” Kahanjikile nge vakiko navalombelelako. Ambile ngwenyi, “Kachi vakiko navakahaka mavoko hali vakakuviza, kuhaka mavoko hali vakiko, vakiko navakaya nakuyoya.”

Echenu tulombe.


327 Mwata Yesu, Mwangana nalingi na Lizu Lyenyi, “Evi vinjikizo navikavangiza vaze vakakufwelela. Kachi nge

navakanangika mavoko avo hali vakakuviza, navakayoya.” Mwata Kalunga, echa kala ndemoni kutambakana. Echa kala kuviza chifume. Echa liyavolo apwenga wakuhonesa, kaha vana va Kalunga vayenga nakufuma muli ino zuvo ufukuuno mukhasa na ngolo ja kusanguka cha Yesu Kulishitu.

³²⁸ Fwelela echi. Echi chakwoloka. Twamenu kaha nechi. Hanjika kaha, haka livoko lyove hali mthuumwe, hanjika “Mwata, vahindula.” Ngwatondo enu mulombe. Ngwalombo. Ngwatondo enu kulombelela mthu umwe. Ove uli—ove uli... Ove uli Mukakulishitu nge Yami. Etu tunapu vosena Vakakulishitu. Jino enu lombelenu mthuumwe. Vakiko vali nakukulombelela.

³²⁹ Jino, omu enu mwatondo mthuumwe kumilombelela? Enu valombeleleni vakiko nge munatondo mthuumwe kumilombelela. “Linga nakuliveka vaze enu, enu namusaka navakiko valinge kuli enu nawa.” Lomba mwakwoloka, pwako wakushishika, chochimwe nge omu unatondo vakiko kukulombelela ove.

³³⁰ “Kaha kulomba cha lufwelelo nachilwila uze naviji. Kalunga mwakaya nakuvasangula. Kaha kachi vakiko vapwile na kuzeneka kufwelela, echi nachiya nakufuma kuli vakiko.” Mwomwoika? “Uze Mwangana mwakumbwoka. Hiya mwahona kupolofweta? Hiya nahase oloze kwambulula omwo Mwangana mwakumbwoka?” Lizu Lyenyi ngwalyo, “Ikiye apwa youmwe zau, lelo, na hayamyaka.”

Ndumbu walunga Fuller, twaya. Kalunga akukisule. 

63-0119 Jila Ya Kapolofweto Wamuchano
Faith Temple
Phoenix, Arizona U.S.A.

LUVALE

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org